

四庫全書

集部

欽定四庫全書

唐詩鼓吹卷八

元 郝天挺 註

羅隱

字昭諫錢塘人也累舉進士不第後事錢鏐為給事有文集行世

牡丹

似共東風別有因絳羅高捲不勝春若教解語應傾國

傾國見前注

任是無情亦動人芍藥與君為近侍芙蓉何處

避芳塵

拾遺記石虎起樓四十尺雜寶異香為屑風作則揚之名曰芳塵陸機大暮賦云播芳塵之

韻可憐韓令功成後辜負穠華過一身

藝苑雌黃云唐元和中韓弘罷

宣威節制歸長安命劇去第中牡丹曰吾豈效兒女輩耶當時為牡丹包羞之不暇故隱有辜負穠華之語弘官至中書令故云韓令詩何彼穠矣華如桃李

### 杏花

暖觸衣襟漠漠香間梅遮柳不勝芳數枝豔拂文君酒

漢司馬相如沽酒滌器於臨邛市文君當爐也

半里紅欹宋玉牆

宋玉登徒子好色賦曰臣

東家子登牆闌臣三年矣

盡日無人應悵望有時經雨更淒涼舊山

山下還如此回首東風一斷腸

謝靈運詩云楚人心昔絕越客腸今斷

登夏州城樓

寒城獵獵戍旗風，獨倚欄杆悵望中。  
萬里山川唐土地，

千年魂魄漢英雄。

夏州漢邊塞也

離心不忍聽邊馬。

漢蔡琰詩曰北風厲

兮肅冷冷胡笳動兮邊馬鳴又王正良詩朔風動秋草邊馬有歸心

往事應須問塞鴻。好

脫儒冠從校尉。

漢書戊巳校尉元帝初置如甲乙丙丁庚辛壬癸皆有正位唯戊巳寄治亦無

常居故名

一枝長戟六鈞弓。

三國志袁術遣紀靈攻劉備呂布謂靈曰玄德布弟

也請君觀布射戟小枝中者各解兵不中可留決戰左一發正中戟小枝靈等皆言將軍天威也皆罷去

傳頗高之

弓六鈞

次定四庫全書

唐詩鼓吹

二

曲江春感

隱以諷刺久困場屋友人劉贊贈詩云人皆言子屈我獨以為非明主既

難謁青山胡不歸隱見之遂起歸與之興故作此詩

江頭日暖花正開江東行客心悠哉高陽酒徒半凋落

史記酈食其落魄無為以衣食初欲見沛公沛公以儒生不之見酈生瞋目按劍曰吾高陽酒徒非儒生也

終南山色空崔嵬聖代也知無棄物侯門未必用非才

干令升晉紀總論樹立失權托付非才四維不張苟且之政多也

滿船明月一竿竹家

住五湖歸去來

住一作在

春日題禪智寺

在揚州

樹遠連天水接空幾年行樂舊隋宮

煬帝都於江都以奢淫失國故云舊

隋宮

花開花謝長如此人去人來自不同楚鳳調高何處

酒

論語楚狂接輿歌而過孔子曰鳳兮鳳兮何德之衰往者不可諫來者猶可追

吳牛蹄健滿

車風

風俗通曰吳牛苦於日故望月而喘滿車風言疾也

思量只合騰騰醉煮海

平陳盡夢中

煮海見前注隋煬帝滅陳皆揚州故實

緜谷迴寄蔡氏昆仲

一年兩度錦城遊

成都記錦里城呼為錦城以江山明媚錯雜如錦城也

前值東

風後值秋芳草有情皆礙馬好雲無處不遮樓山牽別

恨和愁斷水帶離聲入夢流今日不堪回首望古煙高

木隔綿州

牽一作卷

寄竇尚書

往年西謁謝玄暉

謝玄暉比竇尚書也

尊酒留連醉始歸曲檻柳

濃鶯未老小園花暖蝶初飛噴香瑞獸金三尺舞雪佳

人玉一圍

宋玉神女賦飄飄兮若流風之回雪杜詩急雪舞回風言舞態回翔也

今日亂

離尋不得滿菴風雨釣魚磯

張嬪

字象文清河人乾寧中進士授校書郎有集二卷傳於世

前塘夜宴留別郡守

前疑作錢

四方騷亂一州安

賈子新書曰士卒罷弊死於甲兵老弱騷動不能治產業云

夜列

樽壘伴客歡，篋策調高山。閣迥蝦蟇聲，促海濤寒。

江南以木

拆警夜故曰蝦蟇更

屏間珮響藏歌妓

開元遺事寧王有妓美姿容善歌舞客莫能見李白

侍酒戲曰聞王有寵姬善謳今韋公宴倦王何吝此王笑令於七寶花障後歌白起謝白雖不許見面聞其聲亦幸

幕外刀光立，侍官沈醉不愁歸。棹晚晚風吹上子

陵灘

後漢嚴光字子陵釣於富春山七里灘

長安春望



明時不敢卧煙霞又見秦城換物華殘雪未消雙鳳闕

天子之闕門也

新春已發五陵家

漢長陵安陵陽陵茂陵平陵也

甘貧只擬長

監酒

晉阮籍聞步兵厨中人能釀酒有貯酒三百斛乃求為步兵校尉

忍病猶期强采

花

古樂府于闐採花云亦如溱洧地自有採花人

故國別來桑柘盡十年兵踐

海西涯

李山甫

咸通中累舉進士不第後亦嘗為府從事有詩賦等集並傳

寒食

柳礙東風一向斜春陰澹澹野人家有時三點兩點雨

到處十枝五枝花萬井樓臺疑繡畫九原松柏似煙霞

禮記檀弓趙文子與叔向遊於九京謂叔向曰死  
者如可作也吾誰與歸其隨武子乎京當作原年年

今日誰相問獨卧長安泣歲華

梁蕭子雲歲暮賦云  
日蹙女度歲華云暮

寓懷

山甫落魄不羈拙於身  
謀薄怨當路故有此作

萬古交馳一片塵思量名利孰如身長疑好事皆虛事  
却恐閑人是貴人老逐少來終不放辱隨榮後定須勻  
勸君莫謾誇頭角夢裏輸贏總未真

公子家

曾是皇家幾世侯入雲高第照神州

高第即甲第也  
神州詳見前注

柳

遮門戶橫金鎖花擁絃歌咽畫樓錦袖妬姬爭巧笑

論語

巧笑倩兮  
美目眇兮

玉銜驕馬索閑遊麻衣酷獻平生業

詩蟋蟀  
掘閱麻

衣如雪醉倚春風不點頭

二

柳底花陰壓路塵瑞煙輕罩一園春鴛鴦占水能欺客

欺一鸚鵡嫌籠解罵人腰裏似龍隨日換

淮南子曰夫  
待腰裏而駕

之則世莫乘車矣詳見前注後漢章帝時有司請封諸  
舅太后詔曰前過濯龍見外家車如流水馬如游龍吾

不諱怒但絕其歲用耳

輕盈如燕逐年新

漢趙后以體如燕故名飛燕

不知盡

買長安笑

或作買盡

活得蒼生幾戶貧

上元懷古

上元金陵縣名也

南朝天子愛風流

南朝謂六朝也詳見前注

盡守江山不到頭總為

戰爭收拾得却因歌舞破除休

南朝自劉裕至陳霸先皆篡弒得之如東昏侯

陳後主輩皆以淫荒失國

堯將道德終無敵

孟子無敵于天下者天吏也

秦把金

湯可自由

韓子曰雖有金城湯池非粟不守漢蒯通傳注云金取堅湯取熱皆喻險固不可近也

試問繁華何處在雨苔煙草石城秋

金陵有石頭城

武元衡

字伯蒼河南人建中四年進士元和三年以門下侍郎平章事秉政早朝遇盜從暗中射

殺之有臨淮集傳世

荆帥

金貂再入三公府

漢官儀侍中金貂左貂金取堅不朽蟬居高食潔貂外勁悍而內溫

董巴輿服志曰武弁大冠侍中中常侍加黃金璫附蟬為文貂尾為飾謂之惠文冠錦帳連封萬

戶侯簾捲青山巫峽曉雲凝碧岫渚宮秋

巫峽渚宮詳見前注劉

琨坐嘯風生苑

晉劉琨字越石為胡騎所圍窘迫乘月登樓清嘯胡騎聞之皆肅然引去謝

眺裁詩月滿樓

南史謝眺字玄暉美文章清麗可愛為隋王功曹尤被賞擢不捨日夕

白

雪調高歌不得美人南國翠娥愁

宋玉對楚王曰楚有善歌者始歌下里巴

人國中和者數萬人中歌陽阿採菱國中唱而和之者數百人既而歌陽春白雪國中唱而和之者數人蓋其曲彌高而其和彌寡也

### 送張諫議

詔書前日下丹霄頭戴儒冠脫皂貂

漢書王莽篡位更漢黑貂用黃貂太

后命其官屬戴黑貂

笛怨柳營煙漠漠

柳營細柳營也

雲愁江館雨瀟瀟

鴛鴻得路爭先翥

莊子南方有鳥名鴛雛發於南海而飛於北海非梧桐不止非竹實不食

非醴泉不飲

松桂凌霜貴後凋

論語歲寒然後知松柏之後凋也

歸去朝端

如有問玉關門外老班超

漢班超自以久在絕域年老思歸上疏曰臣超犬馬齒

常恐年衰奄忽僵仆孤魂棄捐臣不敢望到酒泉郡但願生入玉門關帝憐之放還

### 送崔巡使還本府

勞君車馬此逡巡我與劉公本是親

梁劉孝標答秣陵令劉沼書劉侯既

重有斯難值余有天倫之戚竟未之致也

兩地山川分節制十年京洛共風

塵

唐書元衡代高崇文為西川節度詩意昔與崔巡使同仕京洛今各官於兩地也

笙歌幾處

胡天日羅綺長留蜀國春報主獨來須盡敵

左傳晉侯使太子申

生伐東山大夫先丹木諫太子曰今公曰盡敵而反敵可盡乎雖盡敵猶有內讒不如違之

還期萬

里寶刀新

漢武陵蠻夷作難遣將軍馮緄南征緄有功而還表奉金寶錯刀一具

唐彥謙

字茂業并州人也咸通末舉進士為河中從事歷晉絳二州刺史後為閬州刺史卒號鹿

門先生有詩集傳世

### 長陵

長陵高闕此安劉

長陵高祖陵也高祖遺詔呂后曰周勃厚重少文然安劉氏者必勃也

後呂后欲立諸呂勃為太尉入北軍誅諸呂立文帝

附葬累累盡列侯

後漢和帝幸長陵曰

高祖功臣蕭曹為首有傳世不絕之義朕望長陵東門見二臣之壑每有感焉可遣使以中牢祀之

豐上

舊居無故里

沛中豐民盡移於長安新豐故云無故里

沛中原廟對荒丘

漢惠



帝思高祖之樂沛以沛宮為高祖原廟耳聞明主提三

尺

高祖曰吾以布衣提三尺劍取天下此非天命乎

眼看愚民盜一杯

前漢有盜高廟

玉環得之下廷尉當棄市文帝欲族之張釋之曰假令愚民取長陵一抔土陛下何以加其法乎十載

豎儒騎瘦馬

鄼食其說高祖復立六國張良入諫以為失帝罵曰豎儒幾敗乃公事

渭城

斜日重回頭

### 蒲津河亭

宿雨清秋霽景澄廣亭高樹更晨興煙橫博望乘槎水

漢張騫乘大槎窮河源後封為博望侯

日上文王避雨陵

左傳蹇叔曰殷有二陵焉其南

陵夏后皋之墓其北陵  
文王之所避風雨也

孤棹夷猶期獨往

夷猶已注

曲欄愁

絕每長凭思鄉懷古多傷別此際哀吟幾不勝

李遠

字求古太和五年進士蜀人也累官厯忠建江三州刺史終御史中丞有集傳於世

贈寫御容李長史

寶座煙消硯水清

寶一作玉樹驚分中帷響金缸暖分玉座寒

文選謝希逸詩云庭

龍

髯不動彩毫輕初分隆準山河秀

準音拙高祖龍顏隆準隆高也準頰顙也

乍點重瞳日月明

太史公曰吾聞周書舜目重瞳子尸子舜兩眸子

宮女捲簾

皆暗認侍臣開殿盡遙驚六朝供奉無人敵始覺僧繇

浪得名

張僧繇吳人也天監中歷官右將軍吳興太守以丹青馳譽於時

失鶴

秋風吹却九臯禽

詩小雅鶴鳴于九臯聲聞于天注聞音問臯澤中所溢出所為坎言九者

以喻深遠也

一片閑雲萬里心

杜詩老鶴萬里心

碧落有情空悵望

空一作應

瑤臺無路可追尋

崑崙山有瑤臺閬苑

來時白雪翎猶短

來時

一作初來

去日丹砂頂漸深

去日一作欲去

華表柱頭留語後更無

消息到如今

聽話叢臺

藝文志趙武靈王建叢臺於邯鄲

有客新從趙地回自言曾上古叢臺

前漢鄒陽曰全趙之時武力勇士袪

服叢臺之下

雲遮襄國天邊盡

襄國趙地漢書項羽分趙地立張耳為常山王

居信都改曰襄國

樹遶漳河掌上來

漳河過襄國城邊

絃管變成山鳥

呀綺羅留作野花開金輦無行迹風雨唯知長綠

苔

鄴中記石虎沿漳河四十里一宮宮中宮女數十人一夫人主之石虎下輦止宿

權德輿

字載之秦州人初以文章稱德宗召為太常博士進中書舍人元和五年拜禮部尚書同

中書門下平章事有集傳於世

田家即事

閑卧藜床對落暉

白氏六帖管寧家貧所坐藜床欲穿為學不倦杜詩衰病只藜床

脩

然便覺世情非漠漠稻花資旅食青青荷葉製儒衣

楚辭

製芟荷以為衣兮紉秋蘭以為珮

山僧相訪期中飯漁父同遊或夜歸

待學尚平婚嫁畢

後漢尚平字子平隱居不仕讀易至損益卦歎曰吾已知富不如貧貴不

如賤但未知死何如生耳建武中男女婚嫁既畢勅斷家事勿相關當如我死也於是遂肆志遊五岳名山

渚煙溪月共忘機

和司門殷員外早秋省中書直夜寄荆南衛家

端公

共嗟王粲滯荊州

三國志王粲字仲宣山陽人以西京擾亂乃之荊州依劉表表不甚重作

登樓賦以自見

才子為郎憶舊遊涼夜偏宜粉署直

唐諸郎中員外郎尚

書郎所居謂之畫省以粉畫之故名之曰粉署也

清言遠待玉人酬

晉裴楷為吏部風神

高適容儀俊爽時人謂之玉人

風生北渚煙波濶

楚辭帝子降兮北渚目眇眇兮愁予

露

下南宮星漢秋

南宮謂禮部也

早晚得為同舍旅

前漢直不疑為郎有告歸

誤持其同舍郎金去

知君兩地結離憂

屈原九歌思公子兮徒離憂

奉和太常韋卿閣老左藏庫中假山之什

春山仙掌百花開九棘腰金有上才

周禮九棘孤卿大夫位焉鄭玄注曰

樹棘以為位者取其赤心而外刺象赤心三刺也

忽向庭中摹峻極

詩嵩高維嶽峻極于

天如從洞裏見昭回

詩倬彼雲漢昭回于天注昭光也回轉也

小松已負千

霄壯片石皆疑縮地來

神仙傳漢費長房遇壺公得神術能縮地脉十里聚目前放之

如都內今朝似方外

莊子子桑戶死孔子曰遊方之外者也丘遊方之內者也

仍傳

麗句寄雲臺

華山有雲臺觀

### 送張閣老中丞持節冊帛回鵲

旌旆翩翩擁漢官君行當得遠人懽

論語近者悅遠者來

分職南

臺知禮重綴書東觀見才難

後漢張衡字平子為侍中上疏請得專事東觀收檢

遺文畢力補綴又條上司馬遺班固所敘  
與典籍不合者十餘事上不聽時人追恨  
金章玉節鳴

騶遠

如淳漢書注騶馬以給騶使乘之藏榮緒晉書曰騶六人

白草黃雲出塞寒

欲散別離惟有酒慙煩賓從駐征鞍

送李處士弋陽山居

限姓名  
中用韻

慙來城市意何如却憶菖陽溪上居不憚薄田輸井稅

井田  
之稅

自將佳句著州間波翻極浦檣竿出霜落秋郊樹

影疎想到家山無俗侶逢迎只是坐籃輿

晉陶淵明傳  
江州刺史王

弘半道要淵明還州問其所乘答云素有足疾向乘  
籃輿亦足自返乃令一門生二兒共輿之至州矣



于鵠

高隱於漢陽大厯中應薦起厯諸府從事有集一卷傳於世

送宮人入道

十載吹笙入漢宮看修水殿種芙蓉自傷白髮辭金屋

漢武帝為膠東王年數歲長公主抱問曰兒欲得婦否答曰欲得指女阿嬌好否笑曰若得阿嬌當作金屋貯之  
喜戴黃冠向雪峯

太白山有雪峯

解語老猿開曉戶引雛飛

鶴下高松定知別後宮中伴遙聽緱山半夜鐘

緱山見王子晉

注 齊武帝景陽樓有三更五更鐘

盧弼

與李光遠同時人也

秋日寓居精舍書事

葉滿苔堦杵滿城此中多恨恨難平疎簷看織蠨蛸網

詩 蛸 蟬 在 室 蠨 蛸 在 戶 注 蠨 蛸 小 蜘蛛 也

暗室愁聽蟋蟀聲

詩 蟋 蟀 在 堂 歲 聿 云 暮 即 促 織

也醉卧欲拋羈客思夢歸偏動故鄉情覺來獨步長廊

下半夜西風吹月明

獨孤及

字 至 之 河 南 人 天 寶 末 以 有 道 舉 高 第 代 宗 朝 為 左 拾 遺 歷 濠 舒 常 三 州 刺 史 有 集 傳 世

同皇甫齊年春望見示之作

望遠思歸心易傷況將衰鬢偶年光時攀芳樹愁花盡

晝掩書齋覺日長  
甘比流波辭舊浦  
忍看新草遍橫塘

謝靈運詩池塘生春草

因君贈我江楓詠

唐崔信明有楓落吳江冷之句鄭世翼曰願見

其餘覽未終曰所見不逮所聞投諸水中而去

春思如今未易量

胡宿

雪

屏翳驅雲結夜陰

楚辭曰屏翳起雨屏翳天神使

魏曹植誥洛文河伯相如子虛賦注

典澤屏翳司雨

素花飄墜惡氛沈

襄公二十七年伯風謂趙孟曰楚氛甚惡懼難注氛氣也

色欺曹國麻衣淺

詩曹國風蟋蟀掘閱麻衣如雪

寒入荆王翠被深

左傳

楚王次於乾溪雨雪王皮冠秦復陶  
翠被豹舄執鞭以出注秦遺羽衣

天上明河銀作水

有明河篇

海中仙樹玉為林日高獨擁鸛裘卧誰乞長安取

酒金

司馬相如以鸛裘貫酒與文君為歡又陳皇后  
以黃金百斤為相如文君取酒請解悲愁之辭相

如為賦  
以奏之

### 沖虛觀

五粒青松護翠苔

李賀為五粒小松歌

石門岑寂斷纖埃水浮花

片知仙路

陶潛桃源記晉太元中武陵人漁為業溪行  
忘路之遠近忽逢桃花夾岸數百步中無雜

木芳華鮮美落英繽紛漁人異之尋  
路見黃髮垂髫問云皆避秦人也

風遞鸞聲認嘯臺

阮籍至蘇門半嶺聞鸞鳳之音乃孫登長嘯也詳見前注

桐井曉寒千乳斂

庾信三

草銜長帶

茗園春嫩一旗開

世說茶之始生而嫩者為一槍漸大而開者為一旗

過此馳煙未勒山亭字可是英靈許再來

金陵地記云周顯字彥倫

隱北山後應詔出為海鹽令欲過此山孔德璋假山神作文以却之曰鍾山之英草堂之靈馳煙驛霧勒移山

亭云

### 淮南發運趙邢州被詔歸闕

天臺封詔紫泥馨

紫泥已見前注

馬首前瞻北斗城

三輔黃圖云長安故

城城南為南斗形城北為北斗形故號北斗城

人在函關先望氣

列仙傳老子西遊函谷關

令尹喜先見其東有紫氣知真人當過候  
帝於京兆最

知名

前漢趙廣漢守京兆尹遷潁川太守復為京兆尹  
自將吏入霍禹家搜索屠酷斬關而去帝心善之

召禹廣漢由是侵犯貴戚

一區東第趨晨近

文選云位為通侯處列東第注甲第也在帝城

之東故曰東第數刻西廂接畫榮

周昌傳呂后側耳於東廂聽顏注正寢之東西室皆曰廂

言似箱篋之形也

易晉卦康侯用錫馬蕃庶晝日三接注柔進受寵則一晝三接也

正是兩宮

裁化日百金雙壁拜虞卿

史記虞卿者游說之士也躡蹻擔簦說趙孝成王一見賜

金百鎰白壁一雙再見為上卿故號虞卿

天街曉望

長樂才聞一叩鐘

長樂宮名詳見前注

百官初謁未央宮

未央宮金

波穆穆沙堤月

謝玄暉詩云金波麗鳩鵲玉繩低建章注漢書歌曰月穆穆以金波

李肇國

史補云唐制凡拜相府縣載沙自宮城至其第名為沙堤

玉樹瑱瑱上苑風

太白贈魏山人

詩君來幾何時仙臺應有期東臆綠玉樹定長三五枝上苑上林苑也

香重椒蘭橫結霧

杜牧阿房宮賦煙斜霧橫焚椒蘭也

氣寒龍虎遠浮空

諸葛亮謂吳大帝曰鍾阜龍蟠石頭

虎踞真帝王所都也嗟予索米無人問

前漢東方朔傳朔對上曰侏儒長三尺餘俸一囊粟

錢二百四十朔長五尺餘亦俸一囊粟錢二百四十侏儒飽欲死臣朔饑欲死臣言可用幸異其禮不可用罷

之無令但索長安米上大笑

行避霜臺御史驄

御史驄馬見前注

# 淮南王

貪鑄金錢盜寫符

前漢淮南王安入朝田蚡迎之滿上與語曰今上無太子王高帝孫行仁

義宮車晏駕非王誰可立者淮南王大喜及置攻戰具集金錢事覺削二縣王自傷曰孤行仁義見削地寡人

甚恥之為反謀益甚乃令官奴入宮中作皇帝璽及丞相御史大夫將軍中二十石等印後伍被告變上使宗

正以符節治王未至安自殺

何曾七國戒前車

前漢七國反遣太尉周亞夫將軍竇嬰破

之斬吳王濞於丹徒膠西王卬楚王戊趙王遂濟南王辟光淄川王賢膠東王雄渠皆自殺前漢賈誼治安

策前車覆後車戒也

長生不待爐中藥

淮南王學神仙謂鍊藥可長生藥未成而王已身戮

矣鴻寶誰收篋裏書

淮南王有枕中鴻寶苑秘書言神仙使鬼巫為金之術

碧井



牀空天影在

晉書樂志淮南王自言尊百尺樓高與天連後園鑿井銀作牀金瓶素綆汲寒漿

小山人去桂叢疎

淮南王好古愛仙招置賓客有八公之徒分造詩賦以類相從或稱大山

小山如詩大雅小雅故小山招隱士曰桂樹叢生兮山之幽

雲中雞犬無消息麥秀

漸漸徧故墟

並見前注

### 趙宗道歸輦下

苦

沿牒相逢楚水湄

漢書長安令楊興說將軍史高曰匡衡但以無階朝廷故隨牒在遠方注

謂隨選補之常牒不被超擢也

竹林文酒此攀嵇

晉阮

籍與嵇康山濤向秀劉伶阮咸王戎為竹林之遊世號為竹林七賢

半瓊未暖還傷別

謝眺

見江革時大雪弊絮單席耽學不倦眺乃脫所著襦并手割半塊與之充臥具而去前漢班固傳云孔席不

暖

一臂初交又解攜

莊子外篇田子方篇云吾終身與汝交一臂而失之可不哀之與

江浦嘔啞風送榜河橋勃窣柳垂堤

司馬相如賦嫵媚窣上金堤注匍

匍上

明年四月秦關到洗眼揚州看馬蹄

唐章孝標及第後寄淮南

李紳相公云一第全勝十政官金湯渡了出長安馬頭漸向揚州郭為報時人洗眼看

### 憶薦福寺牡丹

十日春風隔翠岑抵應繁朵自成陰樽前可要人頽玉

嵇康醉如玉山之將頽

樹底遙知地側金花界三千春渺渺

華嚴經有

現三千大千  
金色世界

銅槃十二夜沈沈

以銅槃十二然蠟看  
花如秉燭夜遊也

雕

盤分纂何由得

纂作紺切以針纂  
物之纂言簪花也

空作西州擁鼻吟

謝安

本能為洛下書生詠有鼻疾故其音濁  
名流愛其不能及或以手握鼻以效之

### 次韻和朱況雨中之什

蒼野迷雲黯不歸

莊子莽  
蒼之野

遠風吹雨入巖扉石牀潤極

琴絲緩水閣寒多酒力微夕夢將成還滴滴春心欲斷

正霏霏

正一作更

憂花惜月長如此爭得東陽病骨肥

梁沈約久

處端揆志望台司武帝終不用與徐勉書陳情曰病已  
數旬革帶常移引手握臂率計月小半分欲謝事求歸

老之秩勉為請三  
司之儀帝不許

### 感舊

千里青雲未致身

青雲已注

馬蹄空踏幾年塵  
曾迷玉洞花

光老欲過金城柳  
眼新

晉桓溫自江陵北伐行至金城見少時所種柳皆十圍慨然曰

木猶如此人何以堪  
攀枝折條泣然流涕

粉壁已沈題鳳字

見前注

酒壚猶記

姓黃人

晉王戎為尚書令公服過黃公壚謂後車客曰吾昔與嵇叔夜阮嗣宗酣暢於此壚自嵇阮亡

來便為時所羈縲今  
視此雖近邈若山河  
塢中橫笛偏多感  
一涕闌干白角

巾  
劉向說苑雍門子周引琴而鼓之徐動宮徵微揮角羽終而成曲孟嘗君雪涕闌干增欷而就之曰先生

鼓琴令文止若破  
國亡邑之人也

### 寄昭潭王中立

高絃一弄武陵深

武陵在常德府 晉崔豹古今注云馬援門生爰寄生善音律援作武陵

深之曲以和之其曲曰滔滔武漢一何深鳥飛不渡獸不能臨嗟哉武漢今多毒淫

六幕天空萬

里心

六幕上下四方

吳苑歌驪成久別

前漢王式傳歌驪駒注其辭曰驪駒在門僕夫

具存驪駒在路僕夫整駕

楚峯回雁好歸音

衡州有回雁峯

十千美酒花期

隔

文選美酒斗十千

三百枯碁奕思沈

吳韋弘嗣博奕論枯碁三百孰與萬人之將

邯鄲淳藝經云碁局縱橫各十七道合二百八十九道白黑子各一百五十枚方成碁

莫上孤城

頻送目浮雲西北是家林

城南

昨夜輕陰結夕霏城南十里有香泥初聞山鳥驚新哢

遙見林花識舊蹊蕩槩遠從芳草渡

古樂府云艇子打兩槩催送莫愁來

墊巾還傍綠楊堤

後漢郭林宗太原人嘗過陳遇雨中一角墊時人效之故折一角名林宗

巾羅敷正苦桑蠶事惆悵南來五馬蹄

史記秦氏女邯鄲人名羅敷嫁

邑人千乘王仁後為趙王家令敷出採桑王見悅之敷乃彈箏作陌上桑以自明云使君從南來五馬立踟蹰

羅敷年幾何十五頗有餘使君謝羅敷寧可共載不羅敷前致辭使君一何愚使君自有婦羅敷自有夫

早夏

井轄投多思不禁

漢陳遵每留客飲輒投其車轄於井中使不能去客甚苦之

密垂

珠箔畫沈沈

珠一作朱 左太沖蜀都賦幽堂畫密

睡驚燕語頻移枕病

起蛛絲半在琴雨徑亂花埋宿豔月軒脩竹轉涼陰一

春酒費知多少探盡囊中換賦金

陳皇后以黃金百斤為相如取酒相如為

作長門賦以獻

古別

長道何年祖輶休

輶蒲撥切其側曰餞重始

左傳祖而舍輶飲酒於於道路也黃帝子

名祖不才而好遠遊死於道路故風帆不斷岳陽樓杜詩

今出行者祭於郊次而後行曰祖

歌未央鄴中記自襄國至鄴二百里中四十里置一宮以夫人主之宮女數十悉通音樂石虎下輦止宿

壯士悲歌易水秋荆軻之秦燕太子送之歌曰風蕭蕭兮易水寒壯士西去兮不復還九

帳青油徒自貴宋書劉禹為右將軍求益州不得與顏峻書曰朱循之三世叛兵一日居荊州

青油幕下作謝宣城面目梁宣武百壺芳醕豈消憂

王為朗州坐青油幕下以見庾信

詩韓侯餞之至今長樂坡前水不啻秦人怨隴頭秦州記曰

清酒百壺

隴西郡一百六十里隴山秦人西役昇此山莫不回首

悲泣為隴水歌歌曰隴頭流水鳴聲嗚咽遙望秦川肝

雪詩鼓吹

二十



腸斷絕長

樂坡在長安

### 侯家

洞戶春遲漏箭長

遲一作深  
命論曰長不可急之

文選劉孝標辨

短轅初

返洛陽傍

晉王導妻曹氏性妬導憚之乃密營一別館  
以處眾妾曹氏知將往焉導恐妾被辱遽命

駕以所執麈尾柄驅牛而進司徒蔡謨聞之戲導曰朝  
廷欲加公九錫不聞何物惟有短轅轎車長柄麈尾導

大怒綵雲按曲青岑醴

張平子思玄賦云飲青岑之玉醴  
今食沆瀣以為糧注青岑山名

沈水熏衣白壁堂

揚雄傳歷金門而上玉堂  
詩云黃金為君門白玉為君堂

古前檻

蘭苔依玉樹

史記趙武靈王夢處女鼓琴而歌曰美人  
榮榮兮顏若苔之華  
謝靈運詩翡翠在

蘭莒 揚雄甘泉賦  
云萃玉樹之青蔥

後園桐葉護銀牀

古詩井梧花落  
盡一半在銀牀

銀牀井欄

也見前注 宴殘紅燭長庚爛

詩東有啓明西有長  
庚又曰明星有爛

還促

朝珂謁未央

未央  
宮名

### 函谷關

天開函谷壯關中萬古驚塵向此空望氣竟能知老子

老子已注

甘棠志陝州

靈寶縣南有尹喜望氣臺

棄繻何不識終童

前漢終軍  
入關關吏

與軍繻曰為復傳還當以合符軍曰大夫西遊當不復  
傳還棄繻而去後為謁者符節出關關吏識之曰此棄

繻生

謾持白馬先生論

桓譚新論云公孫龍常論白馬  
非馬人不能屈後乘白馬無符

傳欲出關關吏不聽  
曰此虛言難奪實也

**未抵鳴雞下客功**

史記秦王聞齊孟嘗君賢請以

為相或諧之秦王將殺之以狐白裘獻幸姬乃得遣後  
王悔使人追之孟嘗君已至關關法雞鳴出客時尚早

客中有作雞鳴者  
雞皆鳴遂得免去

**符命已歸如掌地**

光武紀彊華奉赤伏符曰劉秀發兵

捕不道四夷雲集龍鬬野四七之際火為主  
光武建武四年田戎聞秦豐破懼欲降其妻兄圖畫公孫述等

所得郡縣以示戎曰維陽地如掌耳按甲以觀其  
變戎曰以秦王之強猶為征南所虜吾降決矣

**一丸**

**曾誤隗王東**

後漢隗囂遣子詣關其將王元不願內事說囂曰今天水完富士馬精強北收西河

上郡東收三輔之地請以一  
丸泥為大王東封函谷關

**殘花**

雨壓殘紅一夜凋，曉來簾外正飄飄。  
數枝翠葉空相對。

萬片香魂不可招。

宋玉有招魂篇

長樂夢回春寂寂，武陵人去

水迢迢。

圖經云常德府武陵縣有桃源山昔秦人避亂之地陶潛為之記

愁將玉笛傳

遺恨

笛有落梅花

苦被芳風透綺寮。

梁簡文帝秋夜詩云轉露沾懸井浮煙入綺寮

寮小牕也  
詳見前注

### 塞上

漢家神箭定天山

唐薛仁貴傳九姓羌衆三萬餘驍騎數十來挑戰仁貴發三矢殺三人於

是虜降軍中歌曰將軍三箭定天山壯士長歌入漢關

煙火相望萬里間

望平聲義同

契利請盟金七酒

契疑作頡 唐貞觀元年頡利突厥可汗來請和詔許之乙酉幸城西斬

白馬與頡利盟於便橋賜之金帛

將軍歸卧玉門關

班超事見前注

雲沈老上

妖氛斷

老上單于名也

雪照回中探騎閑

漢文帝十四年匈奴入蕭關殺北地都尉

回中宮候騎至雍回中屬扶風

五餌已行王道勝

漢賈誼上策請試屬國施五餌三表

以係單于賜之盛服以壞其目賜之盛食以壞其口賜之音樂以壞其耳賜之高堂奴婢以壞其腹於來降者上名幸之以壞其心此五餌也

絕無刁斗至闐顏

刁斗銅器軍中晝炊夜以為警

元狩四年衛青將軍出漢北圍困單于斬首一萬九千級追至闐顏山乃還

長卿

買賦金錢出後宮

文選云漢武帝陳皇后得幸頗妬別在長門宮聞蜀郡司馬相如天下工

為文奉黃金百斤為相如文君取酒因求解悲愁之辭而相如為文以悟主上皇后復得幸長門賦是也長

卿文彩冠諸公梁園末至時名大

文選謝惠連雪賦梁王不悅遊於兔園乃

置旨酒命賓友召鄒生延枚叟相如未至居客之右

蜀道前驅使節雄

見相如入蜀注已

託焦桐傳密意

相如與臨邛令王吉相善臨邛富人卓王孫聞令有貴客為具召之客以百數

相如至一座盡傾酒酣令請奏琴於相如相如為令鼓一再行是時王孫有女新寡好音故相如謬與令相重而以琴心挑之文君竊從戶窺好之恐不能當也更因殘札寄遺忠

相如病甚上使所忠

往取其書而相如已死其妻對曰長卿未死時曰有使來求書奏之其遺札書言封禪事所忠奏之如何

一諷神仙事却得飄雲起賦中

相如奏大人賦天子大悅曰飄飄然有凌雲之

氣也

### 洞靈觀納涼

秋波不動簟紋融松月惺惺透綺籠霜重井梧翻瘦碧

雨回堦藥墮嫣紅彩鴛靜占銀塘水

唐毛文錫詞云鴛鴦對浴銀塘暖水

面蒲梢短

乳燕涼飛玉宇風林酒易銷殘夢斷却疑身在廣

寒宮

廣寒宮見前注

### 津亭

津亭欲闕戒棠舟

闕苦穴切也

莊子瞻彼闕者注門間也梁元帝有烏栖曲云沙棠作舟

今桂為楫

五兩風來不少留

五兩舟上候風扇也詳見前注

西北雲浮連魏

闕東南日出背秦樓

河之西秦地河之東魏地

層城渺渺人傷別芳

草萋萋客倦遊

楚詞芳草生兮萋萋王孫遊兮不歸漢司馬相如傳長卿故倦遊雖貧其人

才足依也

平樂舊歡收不得

平樂觀名

更憑飛夢到瀛洲

海中三山有蓬

萊方大瀛洲

### 送林學士知明州

綠綈膺檢出神州

漢書趙皇后傳十月中宮乳掖庭牛官令舍有婢六人中黃門旧容持詔

欽定四庫全書

唐詩鼓吹

卷八



記綠綈方底封御史中丞印師古注綈厚繒也方底者盛書囊也膺當也檢印窠封題也又拜東吳

最上游

上游上流也

腰下漢符分半虎

漢武帝初為郡守為銅虎符竹使符應劭

曰銅虎符第一至第五國家發兵遣使者至郡合符乃受竹使符以竹箭五枝長五寸鐫刻漢書第一至第五師古曰與郡守為符各分一半右留京師左與之手中庖刀欠金牛

莊子庖丁為文惠君

解牛曰臣之刀十九年所解千牛而刀刃若新彼節有間而刀無厚以無厚入有間恢恢乎其游刃必自餘也

玳筵進酒吳歛曲

楚辭曰吳歛齊謳翕習容裔梁元帝纂要曰齊歌曰謳吳歌曰歛碧

沼觀魚越鄂舟

鄂君舟見前注

政是金華隆舊業

漢翼奉傳於金華殿進講

羣仙相望在瀛洲

瀛洲指玉堂同僚也

芙蓉湖泛舟

小湖香豔戰芙蓉碧葉田田擁釣蓬

蓬編竹覆舟也

嵐氣欲飛

山隔岸秋波不動水搖空

秋波不動一作秋光不定

翩翻雪鳥爭投

浦潑刺霜鱗對擲風

杜詩沙頭窺露聯拳淨船尾跳魚潑刺鳴

政是滄浪濯

纓日

濯纓見前注

一竿多謝紫溪翁

紫溪翁即陸龜蒙也有紫溪翁序并歌云采江

之魚今朝船有鱸采江之蔬兮暮筐有蒲左圖且書右琴與壺壽與大與貴與賤與

次韻徐爽見寄

五兩青絲帝渥深

揚子孝至篇曰由其德舜禹之受天下不為泰不由其德五兩之綸半通

之印亦泰矣注  
青絲印綬也

平時何敢嘆英沈侏儒自是長三尺

見索

米泚統都來直數金

莊子宋人有善為不龜手之藥者世以泚泚統為事客聞之請買其

方百金聚族而謀曰我世世為泚泚統不過數金而一朝驚技百金請與之泚音辟漂也統音續絮也

寂

寔死灰人喪偶

莊子形固可使如槁木而心固可使如死灰乎莊子妻死惠子弔之則方箕

踞鼓盆惠子曰不亦甚乎莊子曰不然察其始而本無生非徒無生而本無形非徒無形而本無氣也偶配也

婆娑生意樹交陰

桓玄敗後殷仲文為大司馬諮議憶往日廳前有老槐甚扶疎殷視良久

嘆曰槐樹婆娑無復生意年來想見瓊枝色

江文通詩願一見顏色不異瓊樹枝夕夢

蘧蘧到竹林

莊子莊周夢為蝴蝶栩栩然不知周也俄然覺則蘧蘧然周也宿言徐爽如瓊枝

玉樹思見其顏色  
形於夢寐之間也

### 蘇廣文

#### 自商山宿陶令隱居

聞道花源堪避秦

見前注

尋幽數日不逢人

尋幽一作幽尋

煙霞

洞裏無雞犬風雨林中有鬼神黃公石上三芝秀

黃公黃綺

也抱朴子云參成芝河渠建實芝此三芝得而服之白日昇天嵇康詩云煌煌靈芝一年三秀

陶

令門前五柳春

見前注

醉卧白雲閑  
夢不知何物是吾身

身

夜歸華山因寄幕府

山村寥落野人稀，竹裏衡門掩翠微。

詩衡門之下可以棲遲

溪渡

夜隨明月入亭臯，春伴白雲飛。

文選亭臯木葉下隴首秋雲飛

嵇康懶

慢仍耽酒。

晉嵇康絕交書云情復懶慢，筋力肉緩，頭面嘗一月十五日不洗，不大悶癢，不能沐也。又

自云簡與禮相背，懶與慢相成，著養生論曰：夫氣靜神虛者，心不存於務，尚體亮心達者，情不累於所苟。范

蠡逋逃，又拂衣。

謝靈運詩高揖七州外，拂衣五湖裏。

汀畔數鷗閑不起，只

應知我已忘機。

狎鷗忘機已見前注

春日遇田明府焦山人

陶公歸隱白雲溪

謂陶弘景也

買得春泉灌藥畦夜靜林間

風虎嘯

王褒聖主得賢臣頌虎嘯而風冽龍興而致雲

月明竹上露禽棲陳倉

邑吏驚烽火太白山人訝鼓聲

太白山下陳倉路也

相見只言秦

漢事武陵溪裏草萋萋

武陵見前注

王建

字仲幼潁川人大歷十年進士授渭南尉歷秘書丞侍御史太和中出為陝州司馬從軍塞上

弓劍不離身數年後歸卜居咸陽原上有集今傳

李處士故居

露濃煙重草萋萋樹映闌干柳拂堤一院落花無客醉

半牕殘月有鶯啼芳筵想像情難盡故榭荒涼路欲迷  
風景宛然人自改却驚門外馬頻嘶

上李庶子

紫煙樓閣碧沙亭上界詩仙獨自行奇險驅回還寂寞

雲山經用始鮮明藕綃紋縷栽來滑鏡水波濤瀘得清

習鑿齒論諸葛亮曰水至平而邪者取法鑑至明而醜者止怒以其無私也已上二聯言庶子文章政事之

清麗也 昏思願因清露洗 王建自 幸容堦底禮先生

周家溪亭

少年因病離天仗，乞得歸家自養身。  
買斷竹溪無別主，散分泉水與新鄰。  
山頭虎下長驚犬，池面魚行不怕人。  
鄉使到門常款語，

杜詩夜闌接款語

還聞世上有功名。

從軍後答友人

一作答山友

愛山無藥住溪貧，脫却山衣事漢臣。  
夜半聽雞梳白髮，

天明騎馬走紅塵。

一作走馬入紅塵

村童近去嫌腥食，野鶴高

飛避俗人勞動。先生遠相訪，別來弓箭不離身。

華清宮感舊



聞道朝元天使急

驪山有朝元閣

千官夜發六龍回

英華作火照中原邊

使急千官夜發六龍迴

輦前月照羅衣淚馬上風吹蠟炬灰公主

粧樓金鎖澁貴妃湯殿玉蓮開

天寶中安祿山自范陽獻白石魚龍鳧雁蓮花

命置于華清宮至今在

有時雲外聞天樂疑是先皇沐浴來

華清宮有

溫泉明皇貴妃嘗浴於此

唐詩鼓吹卷八

欽定四庫全書

集部

唐詩鼓吹卷九

十

詳校官中書

臣呂光復

助教

臣

常循覆勘

覆校官中書

臣

張虎拜

校對官助教

臣

胡予襄

謄錄監生

臣

吳之承

欽定四庫全書

唐詩鼓吹卷九

元 郝天挺 註

譚用之

贈索處士

不將桂子種諸天長得尊君水石邊  
玄豹夜寒和霧隱

列女傳陶苓子妻諫其夫曰妾聞南山有玄豹霧  
雨不下食者何也欲以澤其衣毛而成其文章驪龍

春暖抱珠眠搜神記河上翁家貧恃緯蕭而食其子沒  
川得千金之珠父曰大珠在驪龍頷下子

遭其咄也使其寤子當

山中宰相陶弘景

南史陶弘景字通明丹陽

為糞粉尚奚珠之有哉

林陵人為諸王侍讀永平十年遂挂朝衣於神武門而去隱於金陵華陽山自號華陽真逸國家有大事無不諮詢時人謂

洞裏真人葛稚川

列仙傳葛洪字稚川亡時年八十一視其貌如

平生舉屍入棺輕如空衣時人咸以為屍解

一度相思一惆悵水寒煙澹落

花前

別洛下一二知己

金鼎光輝照雪袍

書注武王克商遷九鼎於洛邑昔禹徵九牧之金以鑄鼎

洛陽春

夢憶波濤塵埃滿眼人情異風雨前程馬足勞接塞峨

嶺通蜀險

峨嵋山在嘉定府

過山仙掌倚秦高

仙掌華山也

別來無

限幽求子

晉杜夷字行齊廬江人。世以儒學稱。惠帝時三舉孝廉並不就。後移渡江。元帝特立儒林

祭酒以夷為之。夷辭疾未嘗朝會。又除國子祭酒。皇太子三至夷家執經問義。國有大故必就夷諮訪焉。卒年六十六。贈大鴻臚。謚曰貞子。臨終遺命其子晏曰。吾少不出身頃。雖見羈錄冠舄之飾。未嘗加體。其角巾素衣。斂以時服。殯葬之事。務從簡儉。亦不須苟取。矯異也。夷所著幽求子二十篇。行於世。幽尋幽求謂隱士也。韓愈詩。幽子應笑區區味六韜。太公兵法有文韜武韜。龍韜虎韜犬韜豹韜。顏不多。

約張處士游梁

莫學區區老一經

漢制專經各置博士。故曰窮一經而皓首。

夷門關吏舊書

生史記侯羸年七十家貧為大梁夷門監者晉朝滅後無中散晉嵇康好老

婚拜中散大夫至晉不仕鍾會譖康於文帝遂刑於東市韓國亡來絕上卿史記張良傳秦

滅韓良年少未仕韓有家僮三百人弟死不葬悉以家財求刺客刺秦王為韓報仇以大父五世相韓故也龍

變洞中千谷冷文子微明篇云內有一定之操而外能屈伸與物推移萬舉而不陷所貴乎道

者貴其龍變也劍橫天外八風清宋玉賦長劍倚天外好攜長

策干時去前漢賈誼上文帝萬言策故曰長策免逐漁樵度太平

送友人歸青社周公建大社於國中取五方之土為社東方青土今稱齊地為

青社取此

雕鶚途程在碧天

杜詩雕鶚在秋天

綵衣東去復何言

老萊子孝奉二

親行年七十作嬰兒戲身著五色斑斕之衣

三千賓客舊知己

史記孟嘗君賓客三千人

十二山河新故園

漢高帝紀大齊東有瑯琊即墨之饒南有泰山之固西有濁河之限北有

渤海之利持戟百萬縣隔千里之外齊得十二焉

吟看桂生溪月上醉聽鯢化

海濤翻

莊子北溟有魚其名曰鯢鯢之大不知其幾千里也化而為鳥其名曰鵬鵬之背不知其幾十

蓋以齊地近海故也

好期聖代重相見莫學袁生老

竹軒

文選應璩書云幸有袁生時步玉趾樵蘇不費清談而已

送丁道士歸南中

孤雲無定鶴辭巢

陶淵明詠貧士詩萬族各有托孤雲獨無依

自負焦桐不

說勞

漢蔡邕知音見吳人燒桐以爨者聞其聲曰此良桐也因請削為琴尾尚焦故號曰焦尾

服藥

幾年期碧落驗符何處呪丹毫

以朱書符故曰丹毫

子陵山曉紅

雲密

子陵見前注

青草湖平雪浪高從此人稀見蹤跡還應

選地種仙桃

西王母獻蟠桃於武帝帝食桃留其核欲種之母笑曰此桃三千年一開花三千年

一結子也

月夜懷寄友人

劍氣徒勞望斗牛

見前注

故人別後阻仙舟

見李膺注

殘春謾



道深傾酒好月那堪獨上樓何處是非隨馬足由來得  
喪白人頭清風未許重攜手

文選趙景真與稽茂齊書云攜手之期邈無日矣

幾度高吟寄水流

### 閑居寄陳山人

閑居何處得閑名坐掩衡茅損性靈

衡以衡木為門茅以茅苫宇也淵明

詩養真衡茅下庶以善自名

破夢曉鐘聞竹寺漲心秋雨浸莎庭甕

邊難負千鍾綠

晉畢吏部卓鄰家酒熟盜飲於甕下

海上終眠萬仞青

文選

郭景純游仙詩云青谿千餘仞中有一道士注青谿山名

珍重先生全太古

杜詩封內如太

古時危應看名利似浮萍以名利喻水萍之無定也

### 憶南中

碧江頭與白雲門別後秋霜點鬢根長記學禪青石寺

最思共醉落花村林間竹有湘妃淚牕外禽多杜宇魂

蜀帝名杜宇號望帝后得相曰鼃靈因遜位焉遂自  
亡去化為子規故蜀人聞子規鳴曰是我望帝也未

棹扁舟重回首采薇收橘不堪論史記伯夷叔齊孤竹  
君之二子武王伐紂

義不食周粟隱於首  
陽山采薇而食之

### 寄友人

病多慵引架書看官職無才思已闌

思一作興

穴鳳瑞時來

却易

山海經丹穴之山有鳥狀如鶴五色而文名曰九苞鳳見則天下太平

人龍別後見

何難

晉宋纖字令父少有遠操不與世交太守馬岌高尚之士也威儀造焉纖拒而不見岌嘆曰名可聞

而身不可見德可仰而形不可觀吾今而後知先生人中龍也

琴樽風月閑生計金玉

松筠舊歲寒

論語歲寒然後知松柏之後凋也

早晚煙村碧江畔掛罾

重對蓼花灘

## 別江上一二友生

國風千載務重華

詩自關雎至幽風皆國風也

書重華協于帝須逐浮雲背

若耶

若耶溪名

無地可歸堪種玉

見前注

有天教上且乘槎

荆楚

歲時記漢武帝令張騫使大夏窮河源乘槎經月而至一處見城郭如州府室內有一女織又見一丈夫牽牛

飲河騫問曰此是何處答曰可問嚴君平

白綸巾卸蘇門月

綸音關門見孫登注

紅

錦衣裁御苑花他日成都却回首東山看取謝鯤家

東山

見謝安注晉謝鯤王敦引為長史鯤知敦不可以道匡弼乃優游與畢卓桓彝等縱酒常候明帝在東宮見之甚親重之問曰君方庾亮何如答曰端委廟堂鯤不如亮一丘一壑自謂過之安鯤之從子也

寄岐山林逢吉明府

岐山高與隴山連

岐山在東隴山在西皆秦地也

製錦無私服晏眠

左傳

襄公子皮欲使尹何為邑子產曰子有美錦不使人學  
製焉大官大邑身之所庇也而使學者製焉其為美錦  
不亦鸚鵡語中分百里隴山出鳳凰聲裏過三年河圖括地

象云周之興也鸞鸞鳴於岐山人謂岐山為鳳凰堆太王去邠遷於岐山秦無舊俗雲煙媚

周有遺風父老賢

潘岳西征賦子贏鋤以借父訓秦法而著色耕讓畔以閑田沾姬化而生

棘

莫役生靈種楊柳

靈一作民

一枝枝折灞橋邊

感懷呈所知

十年流落賦歸鴻誰傍昏衢駕燭龍

唐清涼禪師序般若心經云般若者

苦海之慈航昏衢之巨燭山海經鍾山之神曰燭陰  
視為晝暝為夜吹為冬呼為夏身長千里人面蛇身亦

色又名燭龍天不足西北無陰陽竹屋亂煙思梓澤圖

消息故有龍銜火精以照天門也酒家疎雨夢臨邛臨邛在成都縣名即卓文

君沽酒處也十年別恨調琴懶一片年光覽鏡慵早晚休歌

白石爛見霽放教歸去卧羣峯文選謝靈運詩遂登羣峯首邈若昇雲煙

### 江上聞笛

誰為梅花怨未平李白詩羌笛梅花引吳溪隴水深又云黃鸝樓中吹玉笛江城五月落梅

花一聲高喚百龍驚杜詩晚來橫吹好泓下一龍吟風當閭闔庭初靜

閭闔見月在姑蘇秋正明曲盡綠楊涵野渡管吹青玉

八風注

動江城

古樂府有折楊柳曲有青玉案曲

臨流不欲殷勤聽芳草王孫

舊有情

芳草王孫已注

### 寄孟進士

依舊池邊草色芳故人何處憶山陽

晉向秀共呂安灌園於山陽嵇康既

誅秀乃作思舊賦有云濟黃河以泛舟兮經山陽之舊居

書回科斗江帆暮

科斗書古文也

曲罷騶虞海樹蒼

琴操曰古琴曲有歌詩五一曰鹿鳴二曰伐檀三曰騶虞四曰鵲巢五曰

白吟望曉煙思桂渚

桂渚在江南桂州也

醉依殘月夢餘杭

寰宇記夏

禹舍舟航登陸於此因名

別來南國知誰在空對襜褕一斷腸

張衡四愁

詩云美人贈我貂襜褕何以報之明月珠蔡邕獨斷曰  
侍中中常侍加貂蟬說文曰直裙謂之襜褕鮑昭詩  
云行子  
心腸斷

### 寄閭記室

織錦歌成下翠微

隋盧思道嘗共庾知禮作詩已而思道未就知禮曰盧詩何太春日思道

答曰自許編苦疾嫌他織錦遲出啓顏錄

豈勞西去問摺機

摺機見前注詩言記室才華

文綺固知其必達不必去蜀問於嚴君平也

未開水府珠先見

木玄虛海賦爾其水府之

內極深之處潤川生珠而崖不枯珠者陰中之陽也

大戴禮玉在山而木有不掘豐城劍自

輝

豐城劍見前注

黿逐玉蟾攀桂上

杜詩攀桂仰天高

馬隨青帝踏花



歸相逢半是雲霄客應笑歌牛一布衣

歌牛一布衣用之自謂也

幽居寄李祕書

幾年帝里阻煙波敢向明時叩角歌

叩角歌見飯牛注

看盡好

花春卧穩醉殘紅日夜吟多印開夕照垂楊柳畫破寒

潭老芰荷昨夜前溪有龍鬬石橋風雨少人過

畫胡麥切

貽釣魚李處士

罷吟鸚鵡草芊芊

見鸚鵡洲注

又泛鴛鴦水上天一棹冷涵

楊柳雨片帆香挂芰荷煙綠搖江澹萍離岸紅點雲疎

橘滿川何處邈將歸畫府數莖紅蓼一漁船

河橋樓賦得羣公夜讌

芙蓉簾幙扇秋紅蠻府星郎夜讌同

晉郝隆為桓溫南蠻參軍三月三日

賦詩不能者罰酒三升隆便作一句云娥隅躍清池溫問娥隅是何語答曰蠻人名魚也溫曰何謂作蠻語答曰千里投君始得蠻府參軍何得不作蠻語滿座馬融吹笛月

後漢馬融知音律追慕王

子淵枚乘等蕭琴笙頌惟笛無故作長笛頌

一樓張翰過江風

張翰見前注

杯黏

紫酒金螺重

江南紅釀涼州蒲萄其色皆紫螺以金作杯如螺狀也

談轉琬璫玉

塵空

謂談論如珠之圓活也晉書王衍每清談莊老手執玉柄塵尾與手同色

深荷良宵

慰顓頊德星池館在江東

德星見陳仲弓注

寄左先輩

狂歌白鹿上青天

列仙傳紫陽真人周義山入蒙山遇羨門子乘白鹿佩青髻之節義山乞

長生要訣羨門子曰子名在丹臺玉室何憂不仙古

樂府歌云仙人騎白鹿髮短耳何長李白五雲裘歌

身騎白鹿行飄飄手翳紫芝笑披拂何似蘭塘釣紫煙

為君持此凌蒼蒼上朝三十六玉皇

文選揚子雲羽獵賦

云蹂蕙圃踐蘭塘

萬卷祖龍坑外物

史記始皇紀李斯請史官非秦

記皆燒之天下有藏詩書百家語者悉詣廷尉雜燒之

盧生亡去始皇怒按問諸生諸生轉相告引除犯禁者

四百六十餘人皆坑之使者從關東來有人持璧遮使

者曰為我遺瀉池君因言曰今年祖龍死注祖始也龍

人君象謂  
始皇也

一泓孫楚耳中泉

晉孫楚字子荆為扶風王駿參軍少時欲隱謂王濟

曰當漱石枕流濟曰流非可枕石非可漱楚曰所以枕流欲洗其耳漱石欲礪其齒翩翾蠻榼薰

晴浦

榼酒器也

轂轆魚車響夜船學取青蓮李居士一生杯

酒在神僊

李白贈湖州司馬云青蓮居士謫仙人酒肆藏名三十春湖州司馬何須問金粟如來是

身後

### 貽費道人

誰如南浦傲煙霞白葛衣輕稱帽紗碧玉蜉蝣迎客酒

南中以竹筍筍酒常帶米殼故謂之浮蟻

黃金轂轆釣魚車吟歌雲鳥歸樵

谷卧愛神仙入畫家他日鳳書何處覓武陵煙樹半桃

花

武陵已見前注

寄許下前館記王侍御

昔年南去得娛賓頓遜杯前共好春

南州異物志頓遜國有酒樹似安石

榴取花汁停甕中數日乃成酒極美而醉人

螳泛羽觴蠶酒膩

楚辭瑤漿蜜勺寔羽觴兮

晉束皙引逸詩云羽觴隨波孟康曰羽觴爵也作生爵形有頭尾羽毛

鳳銜瑤句蜀牋新

蜀地之牋多製鸞鳳花卉之象

花憐遊騎紅隨轡草戀征車碧遶輪別

後青青鄭南陌不知風月屬何人

欽定四庫全書

月詠集  
卷九

寄王侍御

鳥盡弓藏良可哀

史記范蠡遺大夫種書曰飛鳥盡良弓藏狡兔死走狗烹越王長頸鳥喙

不可同安樂子何不

誰知歸釣子陵臺

子陵臺見前注

鍊多不

信黃金耗吟苦須驚白髮催喘月吳牛知夜至

風俗通云吳牛

苦於日故望月而喘嘶風胡馬識秋來

後漢班超傳久在絕域年老思土上疏曰臣聞太公

封齊五世葬周孤死首丘代馬依風況臣久處絕域能無依風首丘之思哉注韓詩外傳云代馬依北風飛鳥

揚故燕歌別後休惆悵黍已成畦菊已開

陶淵明為彭澤令公田悉

令種林妻子固請種杭乃以二百五十畝種  
林五十畝種杭入居柴桑舍前後皆種菊

秋日圃田送人隨計

列子居鄭圃四十年註左氏傳云鄭之有原圃猶秦

之有具圃也故云圃田圃田在今鄭州東二十五里

僕射陂前是傳郵

鄭州管城縣有僕射陂周四十八里後魏孝文皇帝以此地賜僕射李冲

後人因俗呼為僕射陂孟子速於置郵而傳命

去程雕鷲弄高秋

杜詩雕鷲在秋天

吟拋芍藥栽詩圃

詩鄭國風伊其相謔贈之以芍藥

醉下茱萸飲酒樓

杜詩明年此會知誰健醉把茱萸仔細看

向日迫飛駒皎皎

詩皎皎白駒在彼空谷生芻一

東其人如玉

臨風誰和鹿呦呦

詩呦呦鹿鳴食野之苹人之好我示我周行

明年

二月仙山下莫遣桃花逐水流

見武陵注

途次宿友人別墅

千里嶠函一夢勞

秦地有嶠函二山

豈知雲館共蕭騷半簾綠

透偎寒竹一榻紅侵墜晚桃蠻酒客稀知味長上聲蜀琴

風定覺絃高

蜀琴馬相如之琴

感君巖下閑招隱

文選有招隱士詩

細

縷金盤鱸錯刀

杜詩鸞刀縷之細也

文選美人贈我金錯刀注

王莽鑄大錢又造錯刀魚形類錯刀故云

春日期巢湖舊事

暖掠紅香燕燕飛

詩燕燕于飛差池其羽

五雲仙珮曉相攜

五雲五色



雲花開鸚鵡韋郎曲

京兆有韋曲杜曲

竹亞虬龍白帝溪

白帝溪即

白帝城古魚復地產龍頭竹

富貴萬場歸紫酒

見前注

是非千載逐芳

泥不知多少開元事

開元明皇年號

露泣春叢向日低

### 再遊韋曲山寺

鵲巖煙斷玉巢歌

鵲巖在南山

罨畫春塘太白低

罨畫丹青生色圖畫

也 太白山在韋曲之西

馬踏翠開垂柳寺人耕紅破落花蹊千年

勝槩咸原上

咸陽原也

幾代荒涼繡嶺西

繡嶺即驪山也

碧吐紅芳

舊行處豈堪回首草萋萋

寄徐拾遺

長竿一繫白龍吟

說苑曰白龍下清冷之淵化為魚見因於漁者豫且劉孝綽詩無人重

高節徒自抱貞心誰能製長笛當為吐龍吟

誰和騶虞發素琴

太平正樂曰騶虞操者邵

國女之所作也傷國道衰微百姓怨苦男怨於外女傷於內內外無主內迫情性外迫禮義傷不逢時援琴而

歌野客碧雲魂易斷

江文通擬沙門惠休詩西北秋風至楚客心悠哉日暮碧雲合佳人

殊未來用之困於時故有此作

故人芳草夢難尋

謝靈運夢中得詩云池塘生春草野客

用之自道故

天從補後星辰穩

列子湯問篇女媧氏煉五色石以補天海

自潮來島嶼深

杜詩台州地潤海冥冥雲水長和島嶼青

好向明庭拾遺事

莫教玄豹老泉林

玄豹已注手湖海之深

詩意云拾遺補天之大量當途必能起拔幽隱

也在六義中比也

### 秋宿湘江遇雨

江上陰雲鎖夢魂江邊深夜舞劉琨

晉祖逖與劉琨俱為司州主簿情好

綢繆共被而寢中夜聞荒雞鳴蹴琨起曰此非惡聲也因起舞相謂曰若四海鼎沸豪傑並起吾與足下當相

避於中原

秋風萬里芙蓉國暮雨千家霹靂村

或作薜荔村

鄉思

不堪悲橘柚旅遊誰肯重王孫

前漢韓信傳信不能治生從漂母寄食信曰吾

必重報母怨曰大丈夫不能自食吾哀王孫而進食豈望報乎

漁人相見不相問長笛

一聲歸島門

貽南康陳處士

白玉堆邊蔣逕橫

白玉堆在道州蔣詡字元卿開三

漢

空涵二十四灘

聲

道州有二十四灘水急亦能病舟

老無征戰軒轅國

史記黃帝公孫氏名軒轅時諸

侯相侵伐暴虐百姓黃帝乃習用干戈以拒不庭與炎帝戰於阪泉與蚩尤戰於涿鹿乃擒殺蚩尤披山通道

未嘗寧居

列子黃帝即位憂天下不治退而閑居逾

月不親政事晝寢而夢遊華胥國既寤又三十有九年

天下大治幾若華胥之國

貧有茅茨帝舜城

史記李斯傳曰堯有天

斲茅茨不翦雖有逆旅之宿不勤於此矣詩謂

丹鳳

軒轅張樂於洞庭之野舜崩於蒼梧皆湖湘間事

晝飛羣木冷一龍秋卧九江清

襄陽記曰劉備訪世事於司馬德操德操曰儒

生俗士豈識時務識時務者在乎俊傑此間自有伏龍鳳雛備問為誰曰諸葛孔明龐士元也詩意以陳處

士喻此時人莫笑非經濟還待中原致太平

### 別何處士陵俊老

三皇上人春夢醒

晉陶潛夏日高卧北牕之下清風颯至自謂羲皇上人三皇即羲皇也

東侯老大麒麟生

郎平故秦東陵侯秦滅為布衣種瓜長安城東瓜美世謂之東陵瓜徐

陵母夢五色雲化為鳳集左肩已而誕陵時有寶誌上人有道術厚陵頂曰天上石麒麟也洞連龍

穴全山冷牕透黿波盡室清計拙恥居巖麓老氣狂慙

與斗牛平

事見前注

誰人為向青編上直傍巢由寫一名

逸士

傳巢父堯時隱人年老巢居樹上人號為巢父堯之讓許由也由告巢父父曰汝何不隱汝形藏汝光非吾友也由不自得乃於清冷水中洗耳拭目曰吾負吾友巢父牽牛飲之見許由洗耳乃驅牛還恥令其牛飲於下流也

### 渭城春晚

秦樹朦朧春色微  
香風煙暖樹依依  
邊城夜靜月初上  
芳草路長人未歸  
折柳且堪吟  
晚檻弄花何處醉  
殘暉

釣鄉十里斷消息  
滿目碧雲空自飛

碧雲見前注

山中春晚寄賈員外

不隨黃鶴起煙波應笑無成近薜蘿

杜峽中詩舟中得病移余枕洞口經

春長薜蘿

看盡好花春卧穩醉殘紅日夜吟多高添雅興松

千尺

興一作韻

暗養清音竹數科

文選左太沖招隱詩何必絲與竹山水有清音

珍

重仙曹舊知己往來星騎一相過

郎官上應列宿故曰星郎星騎謂員外馬

也

貽淨居寺新及第

秋池雲下白蓮香

詩意比白蓮社

池上吟僊寄竹房閑頌國風

文字古

詩有國風雅頌

靜消心火夢魂涼三春蓬島花無限

蓬島

即三島也

八月銀河路更長

八月銀河見前注詩意及第比天上仙人也

此境空

門不曾有

佛教寂滅故曰空門

從頭好語與醫王

語去聲華嚴經云釋迦佛能

醫一切衆生苦惱故名大醫王

## 古劍

鑄時天匠待英豪紫焰寒星匣倍牢三尺何年拂塵土

漢高紀曰朕以布衣提三尺劍取天下

四溟今日絕波濤雄應垓下收蛇

陣

孫子曰善用兵者如常山之蛇擊首則尾應擊尾則首應擊其中則首尾俱應滯想溪頭伴



豹韜

太公兵法有文韜武韜  
龍韜虎韜豹韜犬韜

惜是真龍懶拋擲夜來衝

斗氣何高

### 江邊秋夕

千鍾紫酒薦菖蒲

薦一作煮 神仙傳仙人謂漢武帝  
曰聞中岳石上有菖蒲一寸九節食

之可以長生故來采之忽然不見帝  
謂侍臣曰彼非欲服食以此喻朕耳松島蘭舟漁豔居

曲內橘香江客笛字中嵐氣岳僧書吟期汗漫驅金虎

淮南子盧敖遊玄闕至蒙穀之上見一士深目玄準敖  
曰敖少好遊夫子可與敖遊矣若士傲然笑曰我方南  
遊罔畏之野北息乎沈默之鄉下無土上無天吾能往  
來子處矣吾與汗漫遊於九垓之上 黃庭要旨曰兌

之氣金之精其色白其象如懸磬其神如白虎

坐約丹青跨玉魚

漢書王莽使嚴尤等討青

徐云明告以丹青之信

魏曹子建王仲宣誄曰吾與

夫子義貫丹青此言丹青二色相宣以明期約不渝也

列仙傳琴高趙人以鼓琴為宋康王舍人浮游冀州二百餘年後辭入碭水中取龍子與弟子期之曰皆齋

潔候於水傍設祠屋果乘赤鯉來出七色花虬一聲鶴

祠中且有萬人觀之月餘復入水去

漢武帝內傳帝七月七日掃宮掖設坐以候仙官二更後西王母至或駕龍虎或乘麟鶴王母乘紫雲之輦駕

七色幾時乘興上清虛

玄宗遊月宮見門榜書廣寒清虛之府

# 送僧中孚南歸

琵琶峽口月溪端

方輿勝覽琵琶峽在巫山下大江南形如琵琶此鄉婦人皆曉音律歸

州巴東縣大江南上有竅如明月山名明月山溪名明月溪

玉乳頭陀憶舊川

唐李

經圖云威州保寧縣南連乳州北望雪山積雪如玉文選頭陀寺碑李善注頭陀抖擻也言抖擻煩惱憂障

也一錫冷涵蘭逕露片帆香掛橘洲煙

李衡種橘江邊號橘洲諺有云

昭潭無底橘洲浮苔封石錦棲霞室水迸衣珠噴玉蟬莫道翩

翩去如夢本來吟鳥在林泉

### 江館秋夕

耿耿銀河雁半橫夢歆金碧轆轤輕

枕上有轆轤環故有轆轤枕

滿

聽謝練江風白

謝玄暉詩云澄江淨如練

一枕齊紈海月明

班婕妤詩新裂

齊紈素皎潔如霜雪裁  
成合歡扇團團似明月  
楊柳敗梢飛葉響  
菱荷香柄折

秋鳴誰人更唱陽關曲

王維詩勸君更盡一杯酒西出陽關無故人後人因為陽關三

疊之

牢落煙霞夢不成

牢落猶言落寞

### 秋夜同友人話舊

露下銀河雁度頻  
囊中爐火幾時真

爐中燒煉之術成則為良金此喻功

業無成

數莖白髮生浮世一盞寒燈共故人  
雲外簾涼吟

嶠月島邊花暖釣江春

此聯道鄉中之景物

何當歸去重攜手依

舊紅霞作近鄰

司空圖

字表聖河中也咸通十年進士王凝為宣歙觀察使辟置幕府召拜殿中侍御史尋遷

禮部郎中昭宗召為兵部侍郎號三休亭主人人號知非子耐辱居士後聞哀帝遇弒不食嘔血數升而

死年七十有二  
有一鳴集傳世

山中

全家為我戀孤岑踏得蒼苔一徑深逃難人多分隙地

放生鹿大出寒林名應不朽輕仙骨

左傳穆叔如晉范宣子逆之問曰古

有言曰死而不朽何謂也穆叔未對宣子曰昔句之祖自虞以上為陶唐氏在夏為御龍氏在商為豕韋氏在周為唐杜氏晉主夏盟為范氏其是之謂乎穆叔曰以豹所聞此之謂世祿非不朽也魯有先大夫曰臧文仲

既沒其言立其是之謂乎豹聞之太上有立德其次有立功其次有立言雖久不廢此之謂不朽矣若夫保姓受氏以守宗祊世不絕祀無國無之祿之大者不可謂不朽神仙傳王方平過蔡經家告曰汝有仙骨理

到忘機近佛心

傳燈錄本靜禪師曰若欲求佛即心是佛若欲求道無心是道

昨夜山

前驟風雨晚晴獨步數溪禽

數上聲

丁未歲歸王官谷

家山牢落戰塵西疋馬偷歸路已迷冢上卷旗人簇立  
花邊移寨鳥驚啼本來薄俗輕文字却致中原動鼓鼙

將取一壺閑日月

壺公事見前注

長歌深入武陵溪

書懷

病來猶強引雛行

引雛謂引犍子也杜詩徐卿二子歌云二雛者名位豈肯卑微休

力

上東原欲試耕幾處馬嘶春麥長

上聲

一川人喜雪峯晴

閑知有味心難肯道貴謀安迹易平陶令若能兼不飲

無絃琴亦是沽名

無絃琴見前注

退棲

宦遊蕭索為無能

為去聲

移住中條最上層

中條河中山名也

得

劒乍如添健僕亡書久似失良朋燕昭不是空憐馬

戰國

策郭隗謂燕昭王曰古之人君遣使齎千金市千里馬於他國未至馬死買其骨五百金以歸天下皆知王之好也於是期年而千里馬至者三焉支遁何妨亦愛鷹王欲致士先從隗始況賢於隗者晉沙門支遁字道林常蓄馬養鷹或問之養此何為遁曰愛其神駿耳自致此身繩檢外肯教世路日兢兢

五十

閑身事少只題詩五十今來覺陡衰

陡音斗

清秋偶叨非

養望

圖為兵部侍郎何有亂頭養望自謂弘達耶

晉陶侃曰

丹方頻試更堪疑髭

鬚強染三分折絃管遙聽一半悲澆酒有巾無黍釀

晉陶



潛郡將來候值其酒熟潛取頭上葛巾漉酒還復戴之  
人為彭澤令在縣公田悉令種秫曰令吾常醉酒足矣  
負他黃菊滿東籬

### 陳疾

自憐旅舍亦酣歌世路無機奈爾何霄漢逼來心不動

杜工部贈鮮于京兆詩雲霄今已逼台衮更誰親  
孟子公孫丑問曰夫子加齊之卿相得行道焉雖由此霸  
王不異矣如此則動心否鬚毛白盡興猶多殘陽暫照  
乎孟子曰吾四十不動心

鄉關近遠鳥因投嶽廟過閑得此身歸未得磬聲深夏

隔煙蘿

新歲對寫真

得見明時下壽身

莊子下壽六十歲也

須甘歲酒更移巡  
生情暗

結十重恨寒勢常欺一半春  
文武輕銷丹竈火

文武火見前注

市朝偏貴黑頭人  
自傷衰颯慵開鏡  
擬與兒童別寫真

華下

簪冠新帶步池塘

齊高帝謂僧明紹弟慶符云卿兄高尚亦堯之外臣朕夢想幽人固已勤

矣乃賜竹根如意筓擇冠隱者亦為榮

逸韻偏宜夏景長  
扶起綠荷承早

露驚迴白鳥入殘陽  
久無書去干時貴  
時有僧來自故

鄉不用名山訪真訣

道經有登真隱訣

退休便是養生方

嵇康有養

生論

### 重陽山居

詩人自古恨難窮  
暮節登臨且喜同  
四望交親兵亂後  
一川風物笛聲中  
菊殘深處迴幽蝶  
陂動晴光下早鴻  
明日更期來此醉  
不堪寂寞對衰翁

### 爭名

爭名豈在更搜奇  
不朽纔消一句詩

不朽見前注

窮辱未甘

英氣阻車疎還有正人知荷香浥露侵衣潤松影和風  
傍枕移只此共棲塵外境無妨亦戀好文時

好去聲子  
好文見顏

注馬

先啓四年春戊申

亂後燒殘數架書峯前猶自戀吾廬

陶淵明詩吾亦愛吾廬

忘機

漸喜逢人少覽鏡空憐待鶴疎孤嶼池痕春漲滿

謝靈運詩

亂流趨正絕  
孤嶼媚中川

小欄花韻午晴初酣歌自適逃名久不必

門多長者車

漢陳平傳家貧以席為門然門多長者車轍

浙上

華下支離已隔河

華下即華山之下也世篇支離其形者猶足以養其身

莊子人間又

來此地避干戈山田漸廣猿頻到村舍新添燕亦多丹

桂石楠宜並長

上聲

秦雲楚雨暗相和兒童粟熟迷歸徑

粟一作粟

歸得仍隨牧豎歌

其二

西北鄉關近帝京煙塵一片正傷情愁看地色連空色  
靜聽歌聲似哭聲紅蓼遮村人不見青山遶檻路難平

從他煙棹更南去休向津頭問去程

問津見前注

### 丁巳重陽

重陽未到已登臨探得黃花且獨斟

探平聲

客舍喜逢連

日雨家鄉似響隔河砧亂來已失耕桑計病後休論濟

活心

己且病焉安能活人

自賀逢時能自棄歸鞭唯拍馬羈吟

### 不知名氏

#### 長信宮

長信宮漢宮名三輔黃圖曰從洛門至周廟門乃長信宮在其中

細草侵階亂碧鮮宮門深鎖綠楊天珠簾欲捲擡秋水

羅幌微開動冷煙風引漏聲來枕上月移花影到牕前  
獨挑殘燭魂堪斷却恨青娥誤少年

經漢武泉

長安志敦化坊曲江西有泉俗謂之漢武帝泉時旱或造祈禱有應焉

芙蓉池苑起清秋漢武泉聲落御溝千里江山映蓬鬢

二年楊柳別漁舟竹間駐馬題花雨

英華作竹間駐馬題詩去

物外

何人識醉遊盡把歸心付紅葉晚來隨水向東流

袁不約

長安夜遊

鳳城連夜九門通帝女皇妃出漢宮千乘寶車珠箔捲

萬條銀燭碧紗籠歌聲緩過青樓月

李白詩瑤臺有黃鵠為報青樓人

香氣潛來紫陌風長樂曉鐘歸騎後遺簪落翠滿街中

簪一作釵

唐楊妃外傳兄鉅錡國忠諸姊第舍聯垣

治錦繡球金玉者大抵千人變化若神仙帝每幸華清

宮五家隊合炯若萬花川谷遺鈿墜烏  
瑟瑟珠翠狼藉於道香聞於數十里

### 病宮人

佳人卧病動經秋簾幙襍穢不掛鉤

木玄虛海賦被羽翮之襍穢 四

體強扶藤夾膝

夾膝見前注

雙鬟慵整玉搔頭

漢武帝寵李夫人夫人常



以玉簪搔頭後人效之因以為名

花顏有幸君王問藥餌無徵待詔愁

惆悵近來消瘦盡淚珠時傍枕函流

唐詩鼓吹卷九

欽定四庫全書

唐詩鼓吹卷十

元 郝天挺 註

鄭谷

字守愚袁州宜春人光啓三年進士授京兆鄠縣尉後為都官郎中時人稱鄭都官退歸仰山

書堂卒有宜陽集三卷及撰國風正誤一卷並傳焉

鷓鴣

谷以此詩得名人號為鄭鷓鴣

暖戲平蕪錦翼齊品流應得近山雞雨昏青草湖邊過

花落黃陵廟裏啼

青草湖黃陵廟俱在長沙

遊子乍聞征袖濕佳人

纔唱翠睂低

曲有鷓鴣詞

相呼相喚湘江浦苦竹叢深春日

西

益州

海棠風外獨霑巾

蜀地產海棠故云

襟袖無端染蜀塵和暖又

逢挑菜日

歲時記人曰挑七種菜作羹

寂寥未是采花人

英華作探花人不

嫌蟻酒衝愁陣

蟻酒見前注

却憶漁蓑覆病身何事晚來微

雨過錦江春似曲江春

成都府有錦江之水濯錦則鮮明曲江在長安

石城

即金陵石頭城

石城昔為莫愁鄉莫愁魂散石城荒

石城莫愁見前注

江人依

舊棹舴艋江岸還是飛鴛鴦帆去帆來風浩渺花開花謝春悲涼煙濃草遠望不盡千古漢陽閑夕陽

### 蜀中春暮

到處明知是暗投

暗投見前注

兩行清淚語前流雲漫新寨

遮秦水花落空山入閬州不忿黃鸝驚曉夢惟應杜宇信春愁梅青麥綠無歸處可是漂漂愛浪遊

### 倦客

十年五年岐路中千里萬里西復東匹馬愁衝晚村雪

孤舟悶阻春江風達士猶來知道在昔賢何必哭途窮

晉阮籍乘車任所之途窮則哭而返詩意達士知出處窮通有道存焉何必哭途之窮也 閑烹蘆

筍炊菰米會向源鄉作醉翁

源鄉地名

結綬郊麾攝府署偶有自咏

漢書蕭育與朱博為友著聞當世時

人為之語曰  
蕭朱結綬

鶯離寒谷七逢春釋褐年來暫種芸

前漢揚雄解嘲云或解縛而相或擇

褐而傳注解縛管仲也釋褐傳說也

自笑老為梅少府

類要云按李白贈瑕丘王少府詩云

皎皎鸞鳳姿飄飄神仙氣梅生亦何為來作南昌尉人  
有別河西劉少府贈秋浦柳少府又杜甫貽華陽柳少  
府往往如是唐日縣尉多稱少府也  
梅少府即漢豫章南昌縣尉梅福也

可堪貧攝鮑參

軍

宋書鮑昭字明遠文辭瞻逸初為中書舍人後臨海  
王子項為荊州召為前軍參軍杜詩俊逸鮑參軍

酒酣往事多興念吟苦鄰家必厭聞推却簿書搔短髮  
落花飛絮正紛紛

### 峽中嘗茶

簇簇新英摘露光小江園裏火前嘗

火一作水

吳僧漫說鴉

山好蜀客休誇烏嘴香

鴉山烏嘴產茶處也吳蜀異宜土人各重之也

入座半

甌輕泛綠開緘數片淺含黃鹿門病客不歸去酒渴更

知春味長

鹿門山  
在襄陽

雁

八月悲風九月霜蓼花紅淡葦條黃石頭城下波搖影

石頭城  
見前注

星子灣西雲間行

間去聲  
南康軍有星子渚

驚散漁家吹

短笛失羣征戍鎖殘陽故鄉聞爾亦惆悵何況扁舟非

故鄉

漂泊



槿墜蓮疎池館清日光風緒淡無情鱸魚斫鱠輸張翰

橘樹呼奴羨李衡

俱見前注

十口飄零猶寄食兩川消息未

休兵

蜀有東川西川故曰兩川

黃花催促重陽酒何處登高望二京

二京洛陽咸陽也

### 渚宮亂後作

鄉人來話亂離情淚滿殘陽問楚荆

滿一作滴

白社已應無

故老

逸士傳董威隱於洛陽白社

清江依舊遶孤城高秋軍旅齊山

樹昔日漁家楚野營

唐百家詩楚作是

牢落故居灰燼後黃花

野蔓上牆生

蜀中

渚遠江清碧簾紋小桃花遶薛濤墳

薛濤字洪度成都之樂妓也有姿色

工詩翰元微之寄濤詩云錦江膩滑峩嵒秀幻出文君與薛濤

朱橋直指金門路粉堞

高連玉壘雲

粉堞城上女牆也杜詩城歌連粉壘玉壘山在成都茂州汶川縣東四里出壁玉左

思蜀都賦據玉壘以為守

牕下斷琴蹻鳳足波中濯錦散鷗羣

成都濯

錦江此水濯錦鮮明

子規夜夜啼巴樹不並吳鄉楚國聞

並猶言同也

張泌

晚秋過洞庭

征帆高掛酒初酣暮景離情雨不堪千里晚霞雲夢北

一洲霜橘洞庭南溪風送雨過秋寺

過平聲

澗石驚龍落

夜潭

龍一作泉

莫把羈魂弔湘魄

屈原投湘水死故曰湘魄漢賈誼揚雄皆有文弔之

九疑愁絕鎖煙嵐

九疑山名舜葬于此

題華嚴寺木塔

宇文愷以京城之西近昆明池地勢微下乃於永陽坊莊嚴寺

建木浮圖高三百三十尺周一百二十步今謂木塔

六街晴色動秋光雨霽憑高只自傷一曲晚煙浮渭水

半橋斜日照咸陽休將世路悲塵事莫指雲山認故鄉

回首漢宮樓閣暮數聲鐘鼓自微茫

李白詩寒松蕭索  
如有聲陽臺微茫

情自有

邊上

戍樓吹角起征鴻獵獵寒旌背晚風千里暮煙愁不盡  
一川秋草恨無窮山河慘淡關城閉人物蕭條市井空

只此旅魂招未得

宋玉有  
招魂篇

更堪回首夕陽中

長安道中早行

客離孤館一燈殘，牢落星河欲曙天。雞唱未沈函谷月，

函谷亦號雞鳴關。用孟嘗君出秦事。

雁聲新度灞陵煙。

灞陵文帝陵也。

浮生已悟

莊周夢

夢一作蝶。俄然覺蘧蘧然。

莊周夢為蝴蝶，相相然不知周也。不知周之為蝴蝶，蝴蝶之為周。

也。

壯志仍輸祖逖鞭。

晉中興書祖逖與劉琨中夜而坐，曰：若四海鼎沸，吾與足下相避中。

原後琨與親舊書曰：吾枕戈待旦，長恐祖生先人著鞭耳。

何事悠悠策羸馬，此中辛

苦過流年。

### 洞庭阻風

空江浩蕩景蕭然，盡日菰蒲泊釣船。青草浪高三月渡，

青草湖之浪也綠楊花撲一溪煙情多莫舉傷春目愁極兼無

買酒錢猶有漁人數家住不成村落夕陽邊

### 春日旅泊桂州

暖風芳草竟芊綿多病多愁損少年弱柳未勝寒食雨  
勝平聲好花爭奈夕陽天溪邊物色宜圖畫林畔鶯聲似

管絃獨有離人開淚眼強憑杯酒亦潛然  
杜詩君行射洪縣為我一

潛然

### 晚次湘源縣

煙郭遙聞向晚雞水平舟靜浪花迷

杜詩正憐日破浪花出

高林

帶雨楊梅熟曲岸籠雲謝豹啼

江介曰子規啼苦則倒懸於樹自呼曰謝豹謝

豹

二女廟荒汀樹老

二女堯之女舜之妃即湘靈也

九疑山碧楚天低

舜歿葬蒼梧其山有九峯娥皇女英遙哭望葬處九峯相似故曰九疑

湘南自古多離怨

莫動哀吟易慘悽

### 惆悵吟

秋風丹葉動荒城慘淡雲遮日半明晝夢却因惆悵得

晚愁多為別離生江淹彩筆空題恨

江淹夢人授五色筆由是文藻日進

後宿冶亭夢一老人自稱郭璞曰吾有筆在卿處多年  
可以見還淹探懷中得五色筆授之爾後為詩絕無美  
句人謂莊叟玄談未及情晉王衍字夷甫好雅詠玄虛  
淹才盡後喪幼子悲不自勝山簡弔  
之曰孩抱中物何至於此衍曰聖人忘情最下  
不及情情之所鍾正在我輩簡於是服其言

魂銷不得一江寒浪若為平

### 春夕言懷

風透疎簾月滿庭倚闌無事倍傷情煙垂柳帶纖腰軟  
露滴花房怨臉明愁逐野雲消不盡情隨春浪去難平

幽牕謾結相思夢欲化西園蝶未成

化蝶見  
前注



贈韓道士

日暮秋風吹野花上清歸客意無涯

道書有上清太清玉清以道士喻仙

人也仙源寂寂煙霞閉

見武陵注

天路悠悠星漢斜

見乘槎犯斗牛注

還似世人生白髮定教仙骨變黃芽

陰真君歌河車是水朱雀是火取水

一斗鐺中以火炎之百沸致聖石丸而其初成姤女故謂玉液後成紫色謂紫河車白色曰白河車青色曰青河車赤色曰赤河車亦名黃芽

樂天詩黃芽與紫車謂此

東城南陌頻相見應是

壺中別有家

壺中見前注

韋莊

字端己京兆杜陵人乾寧元年進士授校書郎後徵起居郎王建開偽蜀授吏部侍郎平章事

有浣花集  
傳於世

思歸

暖絲無力自悠揚

暖絲游絲也

牽引春風斷客腸外地見花

終寂寞異鄉聞樂剩悲涼

鮑明遠詩一息不相知何況異鄉別

紅垂野岸

櫻還熟綠染回汀草又芳舊里若為歸去好子期凋謝

呂安亡

呂氏春秋伯牙鼓琴鍾子期善聽志在高山子期曰善哉巍巍乎如太山志在流水子期曰洋洋

乎如流水子期死伯牙破琴絕絃終身不復鼓琴以為世無足與鼓琴者也嵇康傳東平呂安服嵇康高

致每相思輒千里  
命駕康友而善之

逢東吳王

王一作玉

十年身世各如萍

世一作事

白首相逢淚滿纓

纓冠帶也

老去不

知花有態亂來惟覺酒多情貧疑陋巷春偏少

論語顏子在陋

巷人不堪其憂回也不改其樂

貴想豪家月最明獨對一樽開口笑

開口

笑見

未衰應見太階平

晉書太階上階上星為天子下星為女主中階上星為諸侯三

公下星為卿大夫下階上星為士下星為庶人所以和陰陽而理萬物也君臣和集如其常度有變則占其人

長楊賦玉衡正而太階平

灞陵道中

春橋南望水溶溶一桁青山倒碧峯秦苑落花零露濕

詩零露

灞灞灞陵新酒撥醅濃青龍天矯盤雙闕丹鳳離襪

隔九重萬古人離別地不堪吟罷夕陽鐘

灞水有橋唐人謂銷

魂橋長安人送別於此

### 關河道中

槐陌蟬聲柳市風驛樓高倚夕陽東往來千里路長在

聚散十年人不同但見時光流似箭豈知天道曲如弓

老子天之道其猶張弓乎高者抑之下者舉之有餘者損之不足者補之天之道損有餘補不足反其意言

之蓋怨之  
之詞也

平生志業匡唐舜

唐謂堯也

又擬滄浪學釣翁

滄浪

見前

### 秋日早行

馬上蕭蕭襟袖涼  
路穿禾黍遠宮牆

禾黍見前注

半山殘月

露華冷一岸野風蓮萼香  
煙外驛樓紅隱隱  
渚邊宮樹

暗蒼蒼行人自是心如火  
兔走烏飛不覺長

烏兔喻日月

### 嘆落花

一夜霏微露濕煙  
曉來和淚喪嬋娟

喪去聲

不隨殘雪埋

芳草又逐春風上舞筵

又一作盡

西子去時遺笑靨謝娥行

處落金鈿

西子西施也謝娥謝道韞也笑靨金鈿喻落花

飄紅墮白堪惆悵少

別穠華又一年

詩何彼穠華如桃李

### 貴公子

大道青樓御苑東

曹子建美女篇云青樓臨大路高門結重關列子曰虞氏梁之富人起

高樓臨大路

玉闌仙杏壓枝紅金鈴犬吠梧桐院朱蒂馬嘶

楊柳風

詩斯干朱蒂斯皇室家君王注男子之生于是室者皆將服朱蒂煌煌之盛衣也毛詩鄭氏注

曰蒂者天子純朱諸侯黃朱白虎通曰蒂者蔽也行以蔽前天子朱蒂諸侯赤蒂以韋為之上廣一尺下廣

三尺朱芾馬者言本  
朱芾者所乘馬也

流水帶花穿巷陌斜陽和樹入簾

櫳

斜一作夕

瑤池宴罷歸來醉

瑤池玄圃仙人所居

笑語君王在月宮

開元中明皇與申天師遊月宮中過一大門在玉光中見一大宮榜曰廣寒清虛之府兵衛甚嚴瑤池月宮喻天子之宮也

### 憶昔

昔年曾向五陵遊

五陵見前注

午夜清歌月滿樓銀燭樹前

長似晝露桃花下不知秋西園公子名無忌

魏曹子建詩清夜遊

西園

史記信陵君公子無忌也

南國佳人號莫愁

莫愁見前注

今日亂離

俱是夢夕陽唯見水東流

春日

忽覺東風景漸遲野梅山杏暗芳菲落星樓上吹殘角

金陵記吳嘉禾元年於桂林苑落星山起三重樓名曰落星吳都賦享戎旅於落星之樓偃月營

中挂夕暉

陸士衡論孫權聞曹公來築營於濡須塢以拒之狀如偃月號偃月營濡須在廬江今屬

無為旅夢亂隨蝴蝶散蝴蝶見前注離魂潛逐杜鵑飛杜鵑魂見

前紅塵望斷長安陌芳草王孫暮不歸芳草王孫已見前注

雪夜泛舟遊南溪



大江西面小溪斜入竹穿松似若耶

若耶溪名

兩岸嚴風吹

玉樹

謝惠連雪賦  
林挺瓊樹

一灘明月照銀沙因尋野渡逢漁舍

更泊前灣上酒家去去不知歸路遠棹聲煙裏獨嘔啞

杜牧之阿房宮賦管絃  
嘔啞多於市人之言語

### 謁巫山廟

亂猿啼處望高唐路入煙霞草木香山色未能忘宋玉

宋玉有  
高唐賦

水聲猶似哭襄王

楚襄王與神女  
遇於巫山之陽

朝朝暮暮陽

臺下為雨為雲楚國亡

神女謂襄王曰妾巫山神女也  
朝為行雲暮為行雨朝朝暮暮

陽臺之下惆悵廟前多少柳春來空鬪畫眉長

### 南昌晚眺

南昌城郭枕江煙章水悠悠浪接天芳草綠遮仙尉宅

前漢梅福曰生為我酷身為桎梏形為我辱智為我毒於是棄南昌尉去妻子入洪崖山學道九江人以為仙去  
落霞紅襯賈人船賈音古霏霏閣上千山雨嘒嘒雲中

萬樹蟬

陸士衡詩嘒嘒寒蟬鳴潘岳秋興賦蟬嘒嘒以寒吟

晉怪得地多章句客

庾家樓在斗牛邊

庾亮樓見前注王勃滕王閣序曰物華天寶龍光射牛斗之墟

### 咸陽懷古

城邊人倚夕陽樓城上雲凝萬古愁山色不知秦苑廢

水聲空傍漢宮流李斯不向倉中悟

見長笑李斯稱涸鼠注

徐福

應無物外遊

史記秦始皇紀齊人徐生上書言海中有三神山仙人居之請得齋戒與童男女求

之於是遣徐福發童男女數千人入海求仙人也

莫怪楚吟偏斷骨野煙蹤跡

似東周

周平王東遷都洛陽故曰東周  
語子曰如有用我者吾其為東周乎

綏州

今屬延安

雕陰無樹水南流

綏州即秦上郡雕陰道也  
黃河在其東並城南流

雉堞連雲

古帝州

鮑明遠蕪城賦板築雉堞之陰  
山在南黃帝塚存焉故云古帝州

橋

帶雨晚駝

鳴遠戍望鄉孤客倚高樓明妃去日花應笑

明妃昭君別號也詳

見前

蔡琰歸時鬢已秋

後漢蔡琰字文姬邕之女也博學有材辨適河東衛仲道夫亡

無子歸寧于家為胡騎所獲沒於南匈奴左賢王在胡十二年生二子曹操與邕善痛其無嗣乃遣使以金帛贖之而重嫁於董祀祀為屯田都尉一曲單于暮風起

唐李益聽曉角詩邊霜昨夜墮關榆

吹角當城片月孤無限塞鴻飛不度秋風吹入小單于古詩云秋江斜日浪花麤墟落人歸鳥自呼新月高

城三百雉角聲吹徹小單于則知小單于角調也

扶蘇城上月如鉤

史記秦始皇子扶

蘇監兵上郡蒙恬為將將三十萬眾築長城起臨洮至遼東延袤萬餘里近東即代地有扶蘇城謂此也

鄜州留別張外郎

江南相送君山下

君山在岳陽

塞北相逢相幕中

唐百家詩浣花集皆

作朔幕中

三楚故人皆是夢

世家楚文王都郢昭王都鄂考烈王都壽春故曰三楚孟康

漢書注曰江陵南楚吳為東楚彭城為西楚

十年塵事只如風莫言身世他

時異且喜琴樽數日同惆悵却愁明日別馬嘶山店雨

濛濛

### 汧陽縣閣

汧水悠悠去似緋

補耕切人以繩直物曰緋

遠山如畫翠睂橫僧

尋野渡歸吳岳

秦中山名

雁帶斜陽入渭城邊靜不收蕃帳

馬地貧惟賣隴山鸚

隴西山中鸚鵡出

牧童何處吹羌笛一曲

梅花出塞聲

笛有梅花曲又有出塞入塞之聲

漢州

北僮初到漢州城

北僮自言北人也南人以僮為我也

郭邑樓臺觸目驚

松樹影中旌旆色  
芰荷風裏管絃聲  
人心不似經離亂

時運還應却太平  
十日醉眠金雁驛

漢州驛名也

臨岐無限

臉波橫

杜詩臨岐別數子握手淚再滴

長安清明

早是傷春夢雨天

夢雨字出高唐賦如杜牧之夢雲字意

可堪芳草正芊

芊內官初賜清明火

唐會要唐朝清明取榆柳之火以賜近臣順陽氣亦出歲時記

上

相間分白紙錢

唐王與專以祠神宰相漢以來葬喪瘞錢後世俚俗相傳稍以紙寓錢至是與

乃用紫陌亂嘶紅叱撥

洛中紀異曰大宛進汗血馬一曰紅叱撥二曰紫叱撥入有丁

香叱撥桃花叱撥明皇改紅紫叱撥為紅紫玉輦

綠楊高映畫鞦韆遊人記得

升平事暗喜風光似昔年

和人暮春書事寄崔秀才

半掩朱門白日長晚風輕墮落梅粧

見前注

不知芳草情

何限只怪遊人思易傷纔見早春鶯出谷已驚新夏燕

巢梁相逢只賴如澠酒

左傳有酒如澠有肉如陵

一曲狂歌入醉鄉

唐王績好飲酒  
嘗作醉鄉記

吳商浩

宿山驛

文戰何堪功未圖

文戰喻科舉也

又驅羸馬指天衢露華凝夜

渚蓮盡月彩滿輪山驛孤岐路辛勤終日有

列子楊朱之鄰人亡

羊既率其黨又謂楊子之豎追之楊子曰噍亡一羊何追之者衆鄰人曰多岐既返問獲羊乎曰亡之矣曰奚



亡之歧路之中又有歧焉  
吾不知所之所以返也  
鄉關音信隔年無好乘范蠡

扁舟興

乘一作同

高挂一帆歸五湖

### 塞上即事

身似流星迹似蓬玉關孤望杳溟濛

玉關見班超注

寒沙萬里

平鋪月曉角一聲高繞風戰士沒邊魂尚哭單于獵處

燒猶紅

燒去聲

分明更想殘宵夢故國依然到甬東

甬東在會

稽勾章縣東海洲中左傳勾踐滅吳欲徙吳王甬東即鄞縣今為明州也

胡曾

長沙人也咸通中進士不第嘗為漢南節度從事有詠史詩一卷及安定集十卷傳於世

交河塞下曲

交河水薄日遲遲

詩春日遲遲

漢將思家感別離塞北草生

蘇武泣

前漢蘇武使匈奴匈奴知武不可降使北海上無人處牧羝羝乳乃得歸廩食不至乃掘野鼠

草根而食隴西雲起李陵悲

前漢李陵以少擊衆將步兵五千人出居延累殺虜

節旄盡脫萬餘人後因無救遂降匈奴與蘇武書云胡地玄冰邊土慘裂但聞悲風蕭條之聲胡笳互動牧馬悲鳴邊聲四起晨坐聽之不覺淚下

子卿獨何心能不悲乎

曉侵雉堞烏先覺春入關山

雁獨知何處疲兵心最苦夕陽樓上笛聲時

車遥遥

古樂府名傅玄車遥遥篇云車遥遥兮馬洋洋追思君兮不可忘君安遊兮西

八秦願為影兮隨君身君在陰  
兮影不見君休光兮安所願

自從車馬出門朝便入空房守寂寥玉枕夜寒魚信斷

飲馬長城窟行客從遠方來遺我雙鯉魚呼兒烹鯉魚中有尺素書上言加餐飯下言長相憶金鈿秋

盡雁書遙臉邊楚雨臨風落楚雨淚也頭上秦雲向日銷秦雲

髮也芳草又衰還不至碧天霜冷轉無憀一作夜迢迢

獨不見

古樂府名柳惲獨不見云別島望雲臺天淵臨水殿芳草生未積春花落如霰

出從張公子還見趙飛燕奉歸長信宮誰知獨不見王訓亦有此作

玉關一自有氛埃

有一作絕

年少從軍竟未迴

魏王粲詩從軍有苦樂借

問所從誰門外塵凝張樂榭水邊香滅按歌臺牕殘夜月人

何處簾捲春風燕復來萬里寂寥音信斷寸心爭忍不

成灰

漁者

不愧人間萬戶侯子孫相繼老扁舟往來南越諳蛟室

郭璞江賦淵客築室於巖底蛟人構館於懸流郭子橫洞冥記曰大庾國人長七尺被髮至踵乘象入海底

取寶宿蛟人之舍夕得淚流生長東吳識蜃樓長上聲

曰海旁有蜃氣結為樓臺廣壘氣成宮闕自為釣竿能遣悶不因萱草解忘

憂

詩伯兮焉得萱草言樹之背注  
諫草合歡食之令人忘憂也

羨君獨得逃名趣身

外無機任白頭

莊子天運子貢過漢陰見一大人為園  
鑿隧入井抱甕而出灌用力甚多而見

功寡子貢曰有械於此一日浸百畦大人曰奈何鑿木  
為械後重前輕挈水若抽數若沃湯其名桔槔大人忿  
然曰有機械者必有機事有機事者必有機  
心道之所不載也吾非不知羞而不為也

自嶺下泛鷁到清遠峽

鷁下有船字 晉陸機  
棹歌行龍舟浮鷁首羽

旗垂藻葩韻集曰  
鷁首天子之船也

乘船浮鷁下韶水

淮南子曰龍舟鷁首浮吹以虞此游  
於水也 漢張平子西京賦云浮鷁

首翳雲芝注船頭象鷁  
鳥厭水神故天子乘之

絕境方知在嶺南蘿薜雨餘山

似黛

蘿薜一作薜荔

蒹葭煙盡島如藍旦遊蕭帝新松寺

蕭帝梁武

帝也詳見前注

夜宿嫦娥舊桂潭不為篋中書未報便來此地

結茅菴

### 周瑜廟

共說生前國步難

詩國步斯頻又天步艱難

山川龍戰血漫漫

易坤卦龍

戰于野其血玄黃

交鋒魏帝旌旗退

建安十三年曹操伐吳與周瑜遇於赤壁初交戰操

軍不利瑜縱火燒船操軍大敗

委質吳王社稷安

史記委質為臣建安七年曹操責孫權

任子權引周瑜定議瑜曰將軍承父兄餘資六郡之衆兵精糧多人不思亂有何逼迫而欲送質質入便見制

於人不如勿遣  
權遂不送質

庭際雨餘春草長

上聲

廟前風起晚花殘

功勲碑碣今何在不得當時一字看

### 王表

清明日登城春望寄王使君

春城閑望愛晴天何處風光不眼前寒食花開千樹雪

清明日出萬家煙興來促席唯同舍

陶淵明停雲詩安得促席說彼平生

醉後狂歌盡少年聞說鶯啼却惆悵詩成不見謝臨川

晉謝靈運嘗

為臨川內史

項斯

字子遷江東人也會昌二年第二人進士授潤州丹徒縣尉卒於任所有集傳於世

送宮人入道

願隨仙女董雙成王母前頭作伴行

漢武帝內傳七月七日王母降於帝

宮之大殿母令王子登彈八琅之璈董雙成吹雲和之笙石公子擊昆庭之金許飛瓊鼓震靈之簧初戴玉冠多悞拜欲辭金殿別稱名將敲碧落新齋磬却進

昭陽舊賜箏

昭陽殿名

旦暮焚香遶壇上步虛猶作按歌聲

異苑曰魏陳思王遊山忽聞空中有誦經聲清遠適亮解音者則而寫之為神仙聲道士效之作步虛聲也

唐陳羽步虛詞曰漢武清齋謁鼎書內官扶上畫雲車壇上月明宮殿閑仰看星斗禮玄虛



崔珣

與趙光遠  
一時人也

岳陽樓晚望

乾坤千里水雲間，釣艇如萍去復還。  
樓上北風斜捲席，

湖中西日倒銜山。  
懷沙有恨騷人住，

楚辭云懷沙礫而自沈，今不忍見之。

蔽壅鼓瑟無師，帝子閑。

帝子鼓瑟見前注

何事黃昏尚凝睇，數行

煙樹接荆蠻。

詩：蠢爾荆蠻。左：太沖吳都賦：包括於越，跨躡荆蠻。

哭李商隱

虛負凌雲萬丈才

漢司馬相如大人賦：飄飄有凌雲之氣。韓退之詩：李杜文章在，光燄萬

長一生襟抱未嘗開鳥啼花發人何在竹死桐枯鳳不

來

詩卷阿鳳凰鳴矣于彼高岡梧桐生矣于彼朝陽注鳳凰之性非梧桐不栖非竹實不食

良馬足

因無主踠

廣韻注踠蹄屈也上太行白汗交流中坂而遭延負轅不能上

戰國策云騏驎伏鹽車

而長鳴伯樂下車攀而哭之為其識己也班孟堅東都賦云馬踠餘足士怒未漂晉傳咸感別賦曰蘭蓀含芳有時而馨龍驤踠足有時而征詩意驥足一日千里而困於鹽車義山不遇而死如良馬之足不見知

也

舊交心為絕絃哀

絕絃見前注

九泉莫嘆三光隔

九泉見前

注三光日月星也

又送文星入夜臺

阮瑀七哀詩冥冥九泉室漫漫長夜臺駱賓王詩

千秋掩夜臺

鴛鴦

翠鬣紅毛舞夕暉  
水禽情似此禽稀  
暫分煙島猶回首

只度寒塘亦共飛  
耿霧盡迷珠殿瓦

霧一作露 晉書  
鄴都銅雀臺皆鴛

鴛鴦  
逐梭齊上玉人機

古詩云客從遠方來贈我一端綺  
文綵雙鴛鴦裁為合歡被言綺織

作鴛鴦  
文也

采蓮無限蘭橈女  
笑指中流羨爾歸

李後主

九月十日偶書

晚雨秋陰酒乍醒  
感時心緒杳難平  
黃花冷落不成豔

紅葉颼颼競鼓聲背世返能厭俗態

厭平聲

偶緣猶未忘

多情

晉王衍曰上聖忘情下愚不及情情之所鍾正在我輩

自從雙鬢班班白不

學安仁却自驚

晉潘岳秋興賦序晉十有四年余三十有二始見二毛賦云班鬢影以承弁兮

素髮颼以垂

領影音颼

### 秋鶯

殘鶯何事不知秋橫過幽林尚獨遊老舌百般傾耳聽

深黃一點入煙流栖遲背世同悲魯

詩北山或栖遲偃仰或王事鞅掌注

言事煩勞也論語微生畝謂孔子曰丘何為是栖栖者與謂不得時也

瀏亮如笙碎在絃

王子晉七月七日於緱  
氏山吹笙乘鶴而仙去

莫更留連好歸去露華淒冷夢

花愁

### 病起題山舍壁

山舍初成病乍輕杖藜巾褐稱閑情爐開小火深迴暖

溝引新流幾曲聲暫約彭涓安朽質

神仙傳彭祖姓錢名鏗顓頊玄孫殷

未已七百六十七歲以養生治身為事喪四十九妻失  
四十五子後不知所之人著其論為彭祖經 三玄真  
一經涓子授蘇林三元真一之道曰能守三一名刊玉  
札當念心朴神凝體專誠感所以百念不生精氣不散  
子能守一一亦守子子能見一一亦見子一頊身而立  
身須一而生守一之誠戒于不專 列仙傳涓子齊人

欽定四庫全書

唐詩鼓吹

卷十

五

好餌木著天地之經三十八篇後釣  
于澤得符于鯉中隱宕山能致風雨  
晉惠遠法師見廬峯清淨足以息心  
刺史桓彝乃為遠起東林寺居之絕  
塵清勝之賓不期而至南陽宗炳等  
凡百二十三人並棄貴榮依遠遊止  
襄州居士龐蘊參馬祖云不與萬物  
為侶是什麼人祖云待汝一口吸盡  
江西水則向汝道居士言下頓悟作  
偈云有男不婚有女不嫁大家團圓  
坐共說無生話

役塵中累會合魚龍構強名

強去聲老子曰道本無名強名曰道

誰能役

### 送鄧王二十弟牧宣城

且維輕舸更遲遲

詩繫之維之維繫也

別酒重傾惜解攜浩浪侵

愁光蕩漾亂山凝恨色高低君馳檣楫情何極

詩淇水悠悠檣

楫松

我憑闌干日向西

憑皮證反

咫尺煙江幾多地不須懷

抱重淒淒

湯悅

### 送鄧王二十弟牧宣城

千里陵陽同陝服

東漢立宣城郡宋齊因之梁置南豫州隋改為宣州陵陽宣城郡名也

史記召公奭與周公同姓武王封於燕成王時自陝以西召公主之自陝以東周公主之書云五服甸侯綏

要荒文選任彥昇竟陵王行狀云作亂陝服鑿門胙土寄親賢淮南子曰古將之出鑿山

門設明衣翦指爪許慎注曰明衣遺終衣也翦手足指爪者示必死周書作雒曰周公建大社于國中其壝

欽定四庫全書

唐詩鼓吹

卷十

三

東青土南赤土西白土北驪土中央黃土將遣諸侯鑿其方一面土直以白茅以土封之謂之袞上左傳昨之土而命之氏

建置社稷之服

曙煙已別黃金殿晚照重登白玉筵江

上浮光宜雨後郡中遠岫列牕前

謝惠連詩云牕中列遠岫

天心待

報期年政

用齊魯報政事論語期月有成

留與工師播管絃

工師樂官也

徐鉉

送鄧王二十弟牧宣城

禁裏秋光似水清林煙池影共離情暫離黃閣只三載

却望紫垣都數程

紫垣見前注

滿座清風天子送

詩蒸民吉甫作頌穆



如清風

隨車甘雨路人迎


唐顏真卿隨車雨事

彤霞閣上題詩在

彤霞

閣在今宣州

從此還應有頌聲



唐詩鼓吹卷十